

醫
國
學
心
悟
卷三



醫

學子心悟

卷三

中風
類中風
傷暑霍亂
攪腸痧
疫癘
虛勞
咳嗽
喘

頭痛
心痛
胸痛
脇痛
胃脘痛
收存

小腹痛
身痛
肩背臂膊痛
將痛
痺
瘰癧
瘰癧
水腫

癘風
噎膈
痢疾
泄瀉
瘡疾
氣腫
腹脹

腹脹
積聚
疝氣
瘦飲
嘔吐
穢
呃逆
三消

熱淋
小便不通
關格
孕婦轉胎
大便不通
楊文
遺尿

脫肛
小便不禁
便血
尿血



醫學心悟第三卷

天都普明子程國彭鍾齡著

中風門

中風者真中風也。有中腑中臟中血脈之殊。中腑者中在表也。外有六經之形症。與傷寒六經傳變之症無異也。中太陽用桂枝湯。中陽明葛根湯加桂枝。中少陽小柴胡湯加桂枝。其法悉具傷寒門。茲不贅。中臟者中在裏也。其人眩仆昏冒不醒人事。或痰聲如曳鋸。宜分臟腑寒熱而治之。假如其人素挾虛寒。或



河南中醫藥大學圖書館藏

暴中新寒。則風水相遭。寒冰徹骨。而風爲寒風矣。假如其人素有積熱。或鬱火暴發。則風乘火勢。火借風威。而風爲熱風矣。爲熱風。多見閉症。其症牙關緊急。兩手握固。法當疏風開竅。先用搐鼻散吹之。次用牛黃丸灌之。若大便閉結。腹滿脹悶。火勢極盛者。以三化湯攻之。爲寒風。多見脫症。其症手撒脾絕。眼合肝絕。口張心絕。聲如鼯。肺絕。遺尿腎絕。更有兩目直視。搖頭上竄。髮直如粧。汗出如珠。皆脫絕之症。法當溫補元氣。急用大劑附子理中湯灌之。若痰涎壅盛。以三生飲加人參灌之。間亦有寒

痰壅塞介乎閉脫之間。不便驟補者。用半夏橘紅各一兩。濃煎至一杯。以生薑自然汁對沖。頻頻灌之。其人卽甦。然後按其症而調之。然予自揣生平。用附子理中治愈者甚多。其用牛黃丸治愈者亦恒有之。惟三化湯一方。並未舉用。此必天時地土人事之不同。然寒熱之劑。屹然並立。古方具在。法不可泯。故兩存之。以備參酌。中血脉者。中在經絡之中也。其症口眼歪斜。半身不遂是也。大秦芫湯主之。偏在左。倍用四物湯。偏在右。佐以四君子湯。左右俱病。佐以八珍湯。並虎骨膠丸。此治真中之大法。



也。

口噤角弓反張痙病也。但口噤而兼反張者是已成痙也。小續

命湯。口噤而不反張者是未成痙也。大秦苑湯其痙病俱見前

傷寒兼症中宜細加查核。

不語有心脾腎三經之異。又有風寒客于會厭卒然無音者。大

法若因痰迷心竅當清心火。牛黃丸。神仙解語丹。若因風痰聚

于脾經當導痰涎。二陳湯加竹瀝薑汁。並用解語丹。若因腎經

虛火上炎當壯水之主。六味湯加遠志石菖蒲。若因腎經虛寒



厥逆當益火之源。劉河澗地黃飲子。或用虎骨膠丸。加鹿茸。若風寒客于會厭。聲音不揚者。用甘桔湯加疎散藥。

遺尿謂之腎絕。多難救。然反目遺尿者為腎絕。若不反目。遺尿者多屬氣虛。重用參耆等藥補之則愈。

桂枝湯 葛根湯 小柴胡湯 俱見傷寒

搐鼻散 治一切中症。不醒人事。用此吹鼻中。有嚏者生。無嚏者難治。

者難治

細辛 去葉

皂角 去皮 各一兩

半夏 生用 五錢



為極細末、磁瓶收注、勿泄氣、臨用吹一二分入鼻孔中取嚏

牛黃丸

治中風痰火閉結、或癩癱癲癩、語言蹇澁、恍惚眩暈

精神昏憤、不省人事、或喘嗽痰壅、煩心等症

牛黃 六錢

射香

龍腦 以上三味另研

羚羊角

當歸 酒洗

防風

黃芩

柴胡

白朮

麥冬 去心

白芍 各七錢五分

桔梗

白茯苓

杏仁 去皮尖

川芎

大豆黃卷

阿膠 各八錢五分

蒲黃

人參 去蘆

神曲 各一兩二錢五分



雄黃 另研 四錢

甘草 二兩 五錢

白斂

肉桂 去皮

乾薑 各三錢 七分

犀角 一兩 鎊

乾山藥 三兩 五錢

大棗 五十枚 蒸 爛 去 皮 核

金箔 六伯五十片內 存二伯片為衣

為細末、煉蜜同棗膏丸、每兩作十九丸、用金箔為衣、每服一九

溫水化下

三化湯 治中風入臟、熱勢極盛、閉結不通、便溺阻隔、不行乃

風火相搏、而為熱風者、本方主之。設內有寒氣、大便反鞭、各

日陰結、陰結者、得和氣、煖口、寒水自化、不可誤用攻藥、誤即



不能復救。慎之慎之。

厚朴 姜汁

炒 大黃 酒蒸

積實 麩炒

羌活 各一錢 五分

水煎服

附子理中湯 見中寒

治寒風中臟。陰冷極盛。脫症隨見。此風

水相遭。而為寒風者。急服此藥。猶可得生。夫病屬脫症。設誤用。疏通開竅之藥。如人既入井。而又加之以石也。必須參附。大劑飲之。方為合法。

三生飲 治寒風中臟。六脈沉細。痰壅喉響。不省人事。乃寒痰。



厥逆之候

生南星

生烏頭

去皮尖

生附子

各一錢五分

生薑

五片

生木香

五分

水煎服○薛立齋云三生飲乃行經絡治寒痰之涼藥斬關

奪旗之神劑每服必用人參兩許駕馭而行庶可驅外邪而

補真氣否則不惟無益適以取敗觀先哲用芪附木附參附

等湯其義可見

大秦芩湯治風中經絡口眼歪斜半身不遂或語言蹇澁乃



南京中医药大学图书馆藏

血弱不能養於筋宜用養血疏風之劑經云治風先治血血行風自滅是也

秦艽

一錢五分

甘草

炙

川芎

當歸

芍藥

生地

熟地

自製

茯苓

羌活

獨活

白朮

防風

白芷

黃芩

酒炒各八分

細辛

水煎服如或煩躁口渴加石膏一錢五分陰雨加生薑三片

春夏加母八分



竊謂本方初時宜用若日久則以四物四君為主而以風藥

佐之庶收全功

四物湯 四君子湯

八珍湯 俱見虛症

虎骨膠丸 見痺症

小續命湯 見傷寒發瘧

六味湯 見後類中門

甘桔梗湯 見傷寒啞痛

神仙解語丹

白附子 炮

石菖蒲 去毛

遠志 去心甘草水炒

天麻



全蝎 去尾甘 草水洗 羌法

南星 牛膽製多次 更佳各一兩 木香 五錢

右為末 麵湖丸 龍眼大 每服一丸 薄荷湯下

二陳湯

陳皮 茯苓 半夏 薑汁炒 炙草 各一錢 五分

加入大棗二枚水煎服

地黃飲子

熟地 九蒸晒 二錢 巴戟 去心 黃肉 去核 肉蓯蓉 酒浸 焙

石斛 附子 炮 五味 炒 杵 白茯苓 各一錢



石菖蒲 去毛

桂心

麥冬 去心

遠志

心甘草水 炒各五分

入薄荷少許薑一片棗二枚水煎服。氣虛加入參

甘桔湯

見傷寒咽痛

類中風

類中風者謂火中虛中濕中寒中暑中氣中食中惡中也共有

八種與真中相類而實不同也然類中有與真中相兼者須細

察其形症而辨之凡真中之症必連經絡多見歪斜偏廢之候

與類中之專氣致病者自是不同然而風乘火勢邪乘虛入寒



風相搏。暑風相炫。飲食招風。種種變症。所在多有。務在詳辨。精細。果其為真中也。則用前驅風法。果其為類中也。則照本門施治。果其為真中類中相兼也。則以兩門醫法合治之。斯無弊耳。茲舉類中諸症。詳列於左。俾學者觸目洞然也。

一曰火中火之自外來者。名曰賊火。火之自內出者。名曰子虛火也。中火之症。良由將息失宜。心火暴盛。腎水虛衰。不能制之。故卒然昏倒。不可作寔火論。假如怒動肝火。迺遙散心火。鬱結牛黃清心丸。肺火壅遏。貝母瓜蒌散。思慮傷脾。加



味歸脾湯。腎水枯涸。虛火上炎者。六味地黃湯。若腎經陽虛。火不歸原者。八味地黃湯。劉河澗地黃飲子。並主之。此治水中之法也。或問火中而用桂附者何也。答曰。腎陽飛越。則丹田虛冷。其痰涎上壅者。水不歸原也。面赤煩躁者。火不歸原也。惟桂附八味能引火歸原。火歸水中。則水能生木。木不生風。而風自熄矣。

口虛中。凡人體質虛弱。過于作勞。傷損元氣。以致痰壅氣浮。卒然昏倒。宜用六君子湯。主之中氣下陷者。補中益氣湯。主

之。

三日濕中濕中者。即痰中也。凡人嗜食肥甘。或醇酒乳酪。則濕
 從內受。或山嵐瘴氣。久雨陰晦。或遠行涉水。坐臥濕地。則濕
 從外受。濕生痰。痰生熱。熱生風。故卒然昏倒。無知也。蒼白二
 陳湯主之。

四日寒中。凡人暴中于寒。卒然口鼻氣冷。手足厥冷。或腹痛下
 利。清穀。或身體強硬。口噤不語。四肢戰搖。此寒邪直中于裏
 也。宜用姜附湯。或附子理中湯。加桂主之。



五日暑中。凡務農于赤日。行旅于長途。暑氣逼迫。卒然昏倒。自汗面垢。昏不知人。急用千金消暑丸灌之。其人立甦。此藥有回生之功。一切暑藥皆不及此。村落中各宜預備。灌醒後以益元散清之。或以四味香薷飲去厚朴。加丹參、茯苓、黃連治之。虛者加人參。餘詳論傷暑門。

六日氣中。七情氣結。或怒動肝氣。以致氣逆痰壅。牙關緊急。極與中風相似。但中風身熱。中氣身涼。中風脈浮。中氣脈沉。且病有根由。必須細究。宜用木香調氣散主之。

七日食中醉飽過度。或着腦怒。以致飲食填塞胸中。胃氣不行。卒然昏倒。宜用橘紅二兩。生薑一兩。炒鹽一撮。煎湯灌而吐之。次用神水散和之。其最甚者。胸高滿悶。閉而不通。或牙關緊急。厥暈不醒。但心頭溫者。卽以獨行丸攻之。藥既下咽。其人或吐或瀉。自應漸甦。若瀉不止者。以冷粥湯飲之。卽止。

八曰惡中。登塚入廟。冷屋棲遲。以致邪氣相侵。卒然錯語妄言。或頭面青黯。昏不知人。急用葱薑湯灌之。次以神水散調之。藕合丸亦佳。



北京中医药大学图书馆藏

加味逍遙散

治肝經鬱火胸脇脹痛或作寒熱甚至肝木生

風眩暈振搖或咬牙發瘕一日斜視一手一足搐搦此皆肝

氣不和之症經云木鬱達之是已

柴胡

甘草

茯苓

白朮

當歸

白芍

丹皮

黑山枝

各一錢

薄荷

五分

水煎服

牛黃清心丸

見真中門

貝母瓜蒌散



貝母 二錢

瓜蒌仁 一錢五分

胆南星 五分
黃芩

橘紅

黃連 炒各一錢

甘草

黑山梔 各五分

水煎服

加味歸脾湯

黃耆 一錢五分

人參

白朮

茯神

當歸

棗仁 炒各一錢

遠志 去心泡

揮草 炙各七分

丹皮

黑山梔 各八分

元眼肉五枚水煎服



六味地黃湯 滋水制火則無上盛下虛之症

即六味地黃丸方○水煎服本方加肉桂熟附子各五

六八味地黃湯

六君子湯 理脾祛痰

人參

茯苓

白朮

陳土炒

陳皮

去白

炙甘草

半夏

湯炮七次
各一錢

生薑五分大棗二枚水煎服

補中益氣湯 中氣下陷宜服此以升舉之



黃芪 一錢五分
白朮 陳土炒
人參
當歸

甘草 炙各一錢
柴胡
升麻
陳皮 五分

生薑一片 大棗二枚 水煎服

蒼白二陳湯 見中風
即二陳湯加蒼朮白朮各一錢

薑附湯 見諸方補遺
四味香薷飲 見傷暑

木香調氣散 平肝氣和胃氣

白蔻仁 去殼研
檀香
木香 各兩
丁香 三錢
香附 五兩

藿香 四兩
炙甘草
砂仁
陳皮 各二兩



右為細末每服二錢入鹽少許點服

神水散

此藥能治時行不正之氣發熱頭痛傷食停飲胸滿

腹痛嘔吐瀉利並能解穢驅邪除山嵐瘴氣鬼瘧尸注中食

中惡諸症其效至速予嘗合此普送藥到病除罔不應驗

蒼朮

炒 陳土

陳皮

厚朴

姜汁炒 各二兩

甘草

炙十 二兩

藿香

八兩

砂仁

四兩

共為末每服二三錢開水調下

獨行丸

治中食至甚胸高滿悶吐法不效須用此藥攻之若



昏暈不醒四肢僵硬但心頭溫者抉齒灌之

共 大黃 酒炒

芭豆 去壳 去油

乾姜 各一錢

研細姜汁為丸如黃豆大每服五七丸用姜湯化下若服後瀉不止者用冷粥湯飲之即止

蕪合丸

治勞瘵骨蒸、怔忡心痛、霍亂吐利、時氣鬼魅、瘴瘧疫

癘、痰血、月閉、疰癘、丁腫、驚癩、中風、中氣、痰厥、昏迷等證

白朮

青木香

犀角

香附

炒去毛

朱砂 水飛

訶梨勒 煨取皮

檀香

安息香 酒熬



沉香

麝香

丁香

革撥 各二兩

龍腦

薰陸香

別研

藿合香

各二兩

右為細末，研藥勻，用安息香膏并藿合香油煉蜜和劑，丸如彈子大，以蠟置固，緋絹當心，帶之。一切疔毒不敢近。

傷暑

霍亂

攪腸沙

古稱靜而得之為中暑，動而得之為中熱。暑陰而熱，陽也。不思暑字，以日為首。正言熱氣之襲人耳。夏日烈烈為太陽之亢氣，人觸之則生暑病。至于靜而得之者，乃納涼于深堂水閣大扇。



風直嗜食瓜果致生寒疾。或頭痛身痛發熱惡寒者。外感于寒也。或嘔吐腹痛四肢厥冷者。直中于寒也。與暑症有何干。殊大抵暑症辨法。以自汗口渴煩心溺赤身熱脈虛爲的。然有傷暑中暑閉暑之不同。傷暑者感之輕者也。其症煩熱口渴益元散主之。中暑者感之重者也。其症汗大泄昏悶不醒。或煩心喘喝。妄言也。昏悶之際。以消暑丸灌之。立醒。既醒則驗其暑氣之輕重而清之。輕者益元散。重者白虎湯。閉暑者內伏暑氣而外爲風寒閉之也。其頭痛身痛發熱惡寒者。風寒也。口渴煩心者暑



也。四味香薷飲加荆芥、秦艽。主之。又有暑天受濕嘔吐瀉利發
為霍亂。此停食伏飲所致。宜分寒熱治之。熱者口必渴。黃連香
薷飲主之。寒者口不渴。藿香正氣散主之。更有乾霍亂症欲吐
不得吐欲瀉不得瀉。攪腸大痛。變在須臾。古方以燒鹽和陰陽
水引而吐之。或以陳皮同煎吐之。或用多年陳香圓煎湯更佳。
俗名攪腸沙。烏沙脹。皆此之類。此係穢氣閉塞。經隧氣滯。血凝。
脾土壅滿。不能轉輸。失天地運行之常。則脹閉而危矣。是以治
法宜速切戒飲粥湯食諸物。入口卽敗。慎之慎之。



消暑丸 益元散 見類中 白虎湯 見陽明腑病

四味香薷飲 治風寒閉暑之症、頭痛發熱、煩心、口渴、或嘔吐

泄瀉發為霍亂或兩足轉筋。凡閉暑而不能發越者非香

薷不可。香薷乃消暑之要藥而方書稱為散劑俗稱為夏月

之禁劑夏既禁用則當用于何時乎此不經之說致令良藥

受屈殊可扼腕故辯之

香薷

扁豆

厚朴

姜汁炒各一錢五分

甘草

炙五分

水煎服。若兼風寒本方加荆芥秦艽蔓荊子。若兼霍亂



吐瀉煩心口渴本方加黃連。若兩足轉筋本方加木瓜。菴木瓜治轉筋之神劑。若風暑相搏而發搐搦者本方加羌活鈎藤。凡暑症不宜發汗。今用風藥者因其暑中挾風也。若暑濕相搏名曰濕溫。誤汗則名重暈多難治宜用蒼朮白虎湯時醫不論暑濕概行發散傷生匪淺。

霍香正氣散 治暑月貪涼飲冷發為霍亂腹痛吐瀉憎寒壯

熱

霍香

砂仁

厚朴

茯苓

紫蘓

陳皮 各一錢

白朮 土炒

半夏

桔梗

白芷 各七分

洋草 炙五分

生姜三片水煎服

清暑益氣湯

預服此藥以防暑風

黃芪 一錢五分

白朮 一錢

人參

當歸

陳皮

麥冬 去心

炙甘草 各五分

扁豆 二錢

茯苓 七分

升麻

柴胡

北五味 各三分

神麩 四分

黃柏

澤瀉 各二分



水煎服

疫癘

疫論已見首卷。分求路兩條。去路三條。治法五條。詳且盡矣。夫法天行之氣。從經絡入。其症頭痛發熱。宜微散。香薷散散之。病氣傳染。從口鼻入。其症嘔噦胸滿。宜解穢。神朮散和之。若兩路之邪。歸併于裡。腹脹滿悶。譫語發狂。唇焦口渴者。治疫清涼散。清之。便閉不通者。加大黃下之。其清涼散內。人中黃一味。乃退熱之要藥。解穢之靈丹。醫家缺而不備。安能取效。復有虛人患



中醫藥大學圖書館版

疫或病久變虛。或妄治變虛者。須用人參、白朮、當歸等藥。加入
 清涼藥內。以扶助正氣。如或病氣漸退。正氣大虛。更宜補益。正
 氣為主。夫發散解穢。清中攻下。四法外。而以補法駕馭其間。此
 收效萬全之策也。予嘗用麥冬、生地各一兩。加人參三三錢。以
 救津液。又嘗用人參湯送下。加味枳朮丸。以治虛人鬱熱便閉
 之症。病氣退而元氣安。遂特為囊中活法。謹告同志。各自存神。
 又有頭面腫大。名曰大頭瘟者。頸項粗腫。名曰蝦蟆瘟者。古方
 普濟消毒飲。並主之。但頭腫之極。須用針砭。若醫者不究其理。



患者畏而不行。多致潰裂腐爛而難救。若頸腫之極。須用橘紅淡鹽湯吐去其痰。再用前方倍其桔王之。須宜早治。不可忽也。

香薷散

見太陽症

神木散

見類中

治疫清涼散

秦艽

赤芍

知母

貝母

連翹

各一錢

荷葉

七分

丹參

五錢

柴胡

一錢五分

人中黃

二錢

水煎服。如傷食胸滿加麥芽山查羅蔔子陳皮。脇下痞

加鼈甲枳殼。昏憤譫語加黃連。熱甚大渴能消水者加



石膏、天花粉、人參。便閉不通、腹中脹痛者，加大黃下之。
 虛人自汗多，倍加人參。津液枯少，更加麥冬、生地。
 行寒疫不可輕用涼藥，宜斟酌投劑。

普濟消毒飲

針砭法

並見頭痛

加味枳朮丸

見腹痛

製人中黃法

用竹筒兩頭留節，刮去青皮，開一孔，將甘草裝

滿，仍用木屑塞口，鎔松香封固，用繩扎定于臘月初一日投

廁缸中，一月足，取起用水濯洗，然後劈開竹筒，將甘草晒乾

收貯聽用



或問香蕪散神水散芳香藥也。人中黃有穢氣者也。而皆以之
解疫毒消穢氣何也。不知邪客上焦乃清虛之所。故用芳香以
解之。邪客中下二焦乃濁陰之所。疫毒至此結而爲穢。則非芳
香所能解。必須以穢攻穢而穢氣始除。此人中黃之用所以切
當也。夫病有先後有部位有更變。而用藥隨之。方爲活法。醫家
常須識此。不只治疫一端而已。

虛勞

帝曰。陰虛生內熱。柰何。岐伯曰。有所勞倦。形氣衰少。穀氣不盛。



上焦不行。下脘不通。胃氣熱。熱氣薰胸中。故內熱。此言氣虛之候也。東垣宗其說。發補中益氣之論。卓立千古。朱丹溪從而廣之。以爲陽常有餘。陰常不足。人之勞心好色。內損腎元者。多屬真陰虧損。宜用六味湯加知母黃柏補其陰。而火自降。此又以血虛爲言也。後人論補氣者。則宗東垣。論補血者。則宗丹溪。且曰。水爲天一之元。土爲萬物之母。其說至爲有理。然而陽虛易補。陰虛難療。治虛損者。當就其陰血未枯之時。而早補之。患虛損者。當就其真陰未耗之時。而重養之。亦庶乎其可矣。凡虛勞



之症多見吐血痰湧發熱夢遺經閉以及肺痿肺疽咽痛音癭
側臥傳下鬼注諸疾今照葛仙翁十藥神書例增損方法臚列
於左以便觀覽

◎甲字號方

止咳嗽爲主。予見虛損之成。多由于吐血。吐血之因。多由于
咳嗽。咳嗽之原。多起于風寒。仲景云。咳而喘息有音。甚則吐
血者。用麻黃湯。東垣師其意。改用麻黃人參芍藥湯。可見咳
嗽吐紅之症。多有因于外感者。不可不察也。予治外感咳嗽。

用止嗽散加荆防蘇梗以散之散後肺虛即用五味異功散
 補脾土以生肺金虛中挾邪則用團魚丸解之虛損漸成咳
 嗽不止乃用紫苑散月華丸清而補之此治虛咳之要訣也
 餘詳本門

止嗽散 見後咳嗽門

五味異功散 即四君子加陳皮
 方見後

團魚丸 治久咳不止恐成勞瘵

貝母 去心

知母

前胡

槲胡



杏仁

去皮尖及雙仁者各四錢

大團魚

一箇重十二兩以上者去腸

右藥與魚同煮熟取肉連汁食之將藥渣焙乾為末用魚

煮汁一盞和藥為丸如桐子大每服二十九麥冬湯下

服

海藏紫苑散

潤肺止咳並治肺痿

人參

五分

紫苑

知母

蒸

貝母

去心

桔梗

茯苓

真阿膠

蛤粉炒成珠各一錢

五味子

甘草

炙各三分



水煎服

月華丸 滋陰降火消痰祛瘀止咳定喘保肺平肝消風熱殺

尸蟲此陰虛發咳之聖藥也

天冬

去心 蒸

麥冬

去心 蒸

生地

酒洗

熟地

九蒸 晒

山藥

乳蒸

百部

蒸

沙參

蒸

川貝母

去心 蒸

真阿膠

各一兩

茯苓

乳蒸

獺肝

廣三七

各五錢

用白菊花二兩

去蒂

桑葉二兩

經霜者

熬膏將阿膠化入膏內和

藥稍加煉蜜為丸如彈子大每服一九噙化日三服



○乙字號方

止吐血爲主。凡血症有陽乘陰者。有陰乘陽者。假如脈數而熱。口舌乾燥。或平素血虛火旺。加以醇酒炙燻之物。此乃熱氣騰沸。迫血妄行。名曰陽乘陰。法當清降。四生丸等主之。吐止後。則用六味地黃丸補之。又如脈息沉遲。口舌清潤。平素體質虛寒。或兼受風冷之氣。此謂天寒地凍。水凝成冰。名曰陰乘陽。法當溫散。理中湯主之。凡治血症。不論陰陽。俱以照顧脾胃爲收功良策。誠以脾胃者。吉凶之關也。書云。自上損



下者一損損于肺。二損損于肝。三損損于脾。過於脾則不可治。自下損上者。一損損于腎。二損損于心。三損損于胃。過于胃則不可治。所謂過于脾胃者。吐瀉是也。古人有言。不問陰陽與冷熱。先將脾胃與安和。丹溪云。凡血症須用四君子之類。以收功。其言深有至理。然而補脾養胃。不專在藥。而在飲食之得宜。難經曰。損其脾者。調其飲食。適其寒溫。誠以飲食之補。遠勝于藥耳。世之治損者。亦可恍然悟矣。

四生丸

治陽盛陰虛、熱迫血而妄行、以致吐血、咯血、衄血、法

當清降

生地黄

生荷葉

生側柏葉

生艾葉

各等分

細切同搗極爛為丸，如雞子大，每服一丸，水煎去渣服，吐者用此丸前湯調下，花蕊散一二錢尤佳。

花蕊石散

能化痰血為水，而不動臟腑，真神藥也。

花蕊石

一觔

明硫黃

四兩

入瓦罐內，封口，鐵線緊扎，鹽泥包裹，晒乾，硬炭圍定，煉二炷香，細研篩過，每服二三錢，童便熱酒調服。



生地黃湯

生地 三錢

牛膝

丹皮

黑山梔

各一錢

丹參

元參

麥冬

白芍

各一錢五分

鬱金

廣三七

荷葉

各七分

水煎加陳墨汁清童便各半杯和服

六味地黃丸

滋益先天生腎水制虛火乃醫門要藥尤紅症

之靈丹也

見類中

理中湯

見中寒門

治陰盛陽虛不能統血以致陰血走散法當溫補



四君子湯

人參

白朮

茯苓

甘草

各一錢

大棗二枚生薑一片水煎服

◎丙字號方

治大吐血成升斗者先用花蕊散止之。隨用獨參湯補之。所謂血脫益氣。陽生陰長之理。貧者以歸脾湯代之。

人參 一兩去蘆

水煎服。聽其熟睡。切勿驚醒。則陰血復生矣。



歸脾湯

白朮

人參

當歸

棗仁

炒

白芍

各錢

黃耆

一錢五分

遠志

七分

去心泡

甘草

五分

元眼肉

五枚

水煎服

丁字號方

治咳嗽吐紅。漸成骨蒸勞熱之症。如人胃強氣盛。大便結脈有力。此陽盛生熱。法當清涼。清骨散主之。若胃虛脾弱。大便溏。脈虛細。此陰虛發熱。法當養陰。逍遙散。四物湯主之。若氣



血兩虛而發熱者八珍湯補之若元氣大虛變症百出艱以
 名狀不問其脈不論其病但用人參養榮湯諸症自退
 并濕能除大熱如或誤用寒涼反伐生氣多至不救

清骨散

柴胡

白芍

各一錢

秦艽

七分

甘草

五分

丹皮

地骨皮

青蒿

鱉甲

各一錢
 二分

知母

黃芩

胡黃連

各四分

水煎服如重便尤妙凡逍遙四物八珍方內皆可加入



逍遙散

方規類中

治肝經血虛、煩燥、口渴、胸脇刺痛、頭眩、

頰赤、口苦、發熱、盜汗、食少、嗜臥、又治女人經水不調、臍腹脹

痛、寒熱如瘧、並治室女經閉、痰嗽、潮熱、肌瘦、勞熱等症

四物湯

大熟地

自製

當歸

白芍

各一錢五分

川芎

五分

水煎服。加丹皮、麥冬、玉竹、山藥、茯苓、退虛熱至效。

八珍湯

治氣血虛、發熱、潮熱

人參

白朮

茯苓

甘草

炙



熟地

當歸

白芍

各一錢

川芎

五分

棗二枚水煎服。本方加黃耆肉桂各十全大補湯。

皮黑山梔柴胡各加味八珍湯。

小參養榮湯

白芍

炒二錢

人參

黃耆

蜜炙

當歸

白木

熟地

各一錢五分

甘草

茯苓

遠志

去心泡各七分

北五味

桂心

陳皮

各四分

薑一片棗二枚水煎服。



◎戊字號方

治肺痿肺癰久咳不止時吐白沫如米粥者名曰肺痿此火
盛金傷肺熱而金化也保和湯主之咳嗽吐膿血咳引胸中
痛此肺內生毒也名曰肺癰加味桔梗湯主之

保和湯

治肺痿

知母

分蒸五

貝母

二錢

天冬

去心

麥冬

去心

一錢

苡仁

五錢

北五味

十粒

甘草

桔梗

馬兜鈴

百合

阿膠

蛤粉炒成
珠各八分

薄荷

二分



水煎入飴糖一匙温服虚者加人参

加味桔梗湯 治肺癰

桔梗 去蘆

白芨

橘紅

甜葶藶

微炒 八分

甘草節

貝母 各一錢五分

苡仁

金銀花

各五錢

水煎服初起加荆芥防風各一錢潰後加人參黃耆各一錢

◎巳字號方

治咽痛音嘶喉癆夫勞病至此乃真陰枯涸虛陽上泛之危症多屬難起宜用六味丸滋腎水而以治標之法佐之可也



百藥煎散 治咽痛

白藥煎 五錢

硼砂 一錢五分

甘草 二錢

為末每服一錢米飲調食後細細嚙之

通音煎 治音癰

白蜜 一觔

川貝母 一兩去心為末

款冬花 二兩去梗為末

胡桃肉 十二兩去衣研爛

右四味和均飯上蒸熟不拘時開水點服

柳華散 治喉瘡並口舌生瘡咽喉腫痛諸症



真青黛

蒲黃

黃柏

人中白

各一兩

冰片 三分

硼砂 五錢

共為細末吹喉極效

庚字號方

治男子夢遺精滑其夢而遺者相火之強也不夢而遺者心腎之衰也宜分別之

秘精丸 有相火必生濕熱則水不清不清則不固故本方以理脾導濕為先濕祛水清而精自止矣治濁之法亦然



白朮

山藥

茯苓

茯神

蓮子肉

去心蒸 各二兩

芡實

四兩

蓮花鬚

牡蠣

各一兩 五錢

黃柏

五錢

車前子

三兩

共為末，金櫻膏為丸，如桐子大，每服七八十九，開水下。氣

虛者，加人參一兩。

十補丸 氣旺則能攝精，時下體虛者眾，服此累效。

黃耆

白朮

各二兩

茯苓

山藥

各一兩 五錢

人參

大熟地

三兩

當歸

白芍

各一兩



山黃肉

杜仲

續斷 各二兩

棗仁 二兩

遠志 一兩

北五味

龍骨

牡蠣 各七錢五分

金櫻膏為丸每服四錢開水下

◎辛字號方

治女人經水不調並治室女經閉成損按女人經水不調乃氣血不和其病尤淺室女經閉則水源斷絕其病至深夫所謂天癸者癸生于子天一所生之本也所謂月經者經常也反常則災病至矣室女乃血氣完足之兒尤不宜閉閉則鬢



髮焦咳嗽發熱諸病蜂起勢難為也

澤蘭湯 調經通血脈治經閉

澤蘭 二錢 柏子仁 當歸 白芍

熟地 牛膝 荒蔚子 各一錢 五分

水煎服

益母勝金丹

熟地 當歸 各四兩 白芍 酒炒 三兩 川芎 一兩 五錢

牛膝 二兩 白木 香附 酒醋姜湯鹽 水各炒一次



丹參

芫芎子

各四兩

益母草一觔酒水各半熬膏和煉蜜爲丸每早開水下
 晚用清酒下二錢。經水後期而來小腹冷痛爲寒加肉桂
 五錢。經水先期妄行自覺血熱加丹皮二兩酒炒芩五
 錢凡遇經水作痛乃血凝氣滯加延胡索一兩

◎玉字號方

治傳尸勞瘵驅邪殺蟲勞症之有蟲如樹之有蠹去其蠹而
 後培其根則樹木生長勞症不去蟲而徒恃補養未見其受



益者古法具在不可廢也

驅蟲丸

明雄黃一兩

蕪荑

雷丸

鬼箭羽 各五錢

獺肝一具

丹參一兩五錢

麝二分五厘

煉蜜丸如桐子大每食後開水下廿丸日三服紫金丸亦效

或用真蘓合香丸治之光佳

○癸字號方

補五臟虛損凡病邪之所奏其氣必虛况由虛致病者乎則



補法為最要。難經云：損其肺者益其氣，損其心者和其榮衛，損其脾者調其飲食，適其寒溫，損其肝者緩其中，損其腎者益其精。按法主之。

補天大造丸 補立臆虛損

人參 二兩

黃耆 蜜炙

白朮 陳土蒸 各三兩

當歸 酒蒸

棗仁 去壳 炒

遠志 去心 甘草 水炮炒

白芍 酒炒

山藥 乳蒸

茯苓 乳蒸 各一兩五錢

枸杞子 酒蒸

大熟地 九蒸晒 各四兩

河車 一具 甘草 水洗



鹿角 一觔 熬膏

龜版 八兩與鹿角全熬膏

以龜鹿膠和藥加煉蜜為丸每早開水下四錢。陰虛內熱甚者加丹皮二兩陽虛內寒者加肉桂五錢

咳嗽

咳嗽症虛勞門已言之而未詳及外感諸病因故再言之。肺體屬金譬若鐘然鐘非叩不鳴風寒暑濕燥火六淫之邪自外繫之則鳴勞慾情志飲食炙搏之火自內攻之則亦鳴醫者不去其鳴鐘之具而日磨銼其鐘將鐘損聲嘶而鳴之者如故也鐘



其能保乎。吾願治咳者。作如是觀。大法風寒初起。頭痛鼻塞。發熱惡寒而咳嗽者。用止嗽散。加荆芥。防風。蘓葉。生姜。以散邪。既散而咳不止。專用本方。調和肺氣。或兼用人參。胡桃湯。以潤之。若汗多食少。此脾虛也。用五味異功散。加桔梗。補脾土。以生肺金。若中寒入裏而咳者。但溫其中而咳自止。若暑氣傷肺。口渴煩心。溺赤者。其症最重。用止嗽散。加黃連。黃芩。花粉。以直折其火。若濕氣生痰。痰涎稠粘者。用止嗽散。加半夏。茯苓。桑白皮。生薑。大棗。以祛其濕。若燥氣焚金。乾咳無痰者。用止嗽散。加瓜蒌。



卷之三

頁母知母拍子仁以潤燥此外感之治法也然外感之邪初病在肺肺咳不已則移于五臟臟咳不已則移于六腑須按內經十二經見症而加減如法則治無不痊經云咳而喘息有音甚則唾血者屬肺臟此卽風寒咳血也止嗽散加荆芥紫蘓赤芍丹參咳而兩脇痛不能轉側屬肝臟前方加柴胡枳殼赤芍咳而喉中如梗狀甚則咽腫喉痺屬心臟前方倍桔梗加勞子咳而右脇痛陰引肩背甚則不可以動動則咳劇屬脾臟前方加葛根秦艽鬱金咳而腰背痛甚則咳涎者屬腎臟前方加附子



咳而嘔苦水者。屬膽腑前方加黃芩半夏生姜咳而失氣者屬
小腸腑前方加芍藥咳而嘔嘔甚則長蟲出屬胃腑前方
加烏梅川椒乾姜有熱佐之以黃連咳而遺尿屬大腸腑前
方加白朮赤石脂咳而遺溺屬膀胱腑前方加茯苓半夏久咳
不止三焦受之其症腹滿不食令人多涕唾面目浮腫氣逆以
止嗽散合五味異功散並用投之對症其效如神又以內傷論
前症若七情氣結鬱火上衝者用止嗽散加香附貝母柴胡黑
山梔君腎經陰虛水衰不能制火內熱脈細數者宜朝用地黃



九滋腎水。午用止嗽散。去荆芥。加知母貝母。以開火鬱。仍佐以
萎。梨。胡桃湯。若客邪。混合肺經。變生虛熱者。更佐以團魚。九若
病勢深沉。變為虛損。或尸蟲入肺。喉癢而咳者。更佐以月華散。
若內傷飲食。口乾痞悶。五更咳甚者。乃食積之火。至此時流入
肺經。用止嗽散。加連翹。山查。麥芽。葛子。若脾氣虛弱。飲食不思。
此氣弱也。用五味異功散。加桔梗。此內傷之治法也。凡治咳嗽。
貴在初起。得法為善。經云。微寒微咳。咳嗽之因。屬風寒者。十居
其九。故初治。必須發散。而又不可以過散。不散則邪不去。過散



則肺氣必虛。皆令纏綿難愈。薛立齋云：肺有火則風邪易入。宜解表兼清肺火。肺氣虛則膜理不固。治宜解表兼補肺氣。又云：肺屬辛金，生于巳土。久咳不已，必須補脾土以生肺金。此誠格致之言也。然清火之藥不宜久服，無論脈之洪大滑數，數劑後即宜捨去。但用六味丸頻服之，而兼以白蜜、胡桃潤之。其咳自住。若脾肺氣虛，則用五味異功散。六君子等藥補土生肺。反掌收功爲至捷也。治咳者宜細加詳審，患咳者宜戒口慎風。毋令久咳不除，變爲肺痿肺疽，虛損勞瘵之候，慎之戒之。



止嗽散 治諸般咳嗽

桔梗

炒

荆芥

紫苑

蒸

百部

蒸

白前

蒸各二觔

甘草

炒十兩

陳皮

水洗去白一觔

共為末每服三錢開水調下食後臨臥服初感風寒生薑湯調下。予製此藥普送只前七味服者多效或問藥極輕微而取效甚廣何也予曰藥不貴險峻惟期中病而已此方係予苦心揣摩而得也蓋肺體屬金畏火者也過熱則咳金性剛燥惡冷者也過寒亦咳且肺為嬌喘攻擊之劑既不任受



而外主皮毛最易受邪不行表散則邪氣留連而不解經曰
微寒微咳寒之感也若小寇然啟門逐之即去矣醫者不審
妄用清涼酸澆之劑未免閉門留寇欲出而無門必至穿
瘡而走則咳而見紅肺有二竅一在鼻一在喉鼻竅貫開而
不閉喉竅宜閉而不閉今鼻竅不通則喉竅將啟能無慮乎
本方溫潤和平不寒不熱既無攻擊過當之虞大有啟門驅
賊之勢是以客邪易散肺氣安寧宜其投之有效歟附論于
此以諮明哲



人參胡桃湯 止嗽定喘

人參

五分

胡桃肉

三錢連衣研

生薑

三片

水煎服。本方以萎蕤易生薑各萎蕤胡桃湯治陰虛症

又方用白蜜二觔胡桃肉二觔隔湯頓熟開水點服不拘時

五味異功散 六味丸

團魚丸

月華丸

俱見虛勞

六君子湯

見類中

喘



經云諸病喘滿皆屬於熱。蓋寒則息微而氣緩，熱則息粗而氣急也。由是觀之，喘之屬火無疑矣。然而外感寒邪以及脾腎虛寒，皆能令喘未便概以火斷也。假如風寒外客而喘者，散之直中于寒而喘者，溫之。熱邪傳裏便閉而喘者，攻之。暑熱傷氣而喘者，清而補之。濕痰壅遏而喘者，消之。燥火入肺而喘者，潤之。此外感之治法也。各詳本門。若夫七情氣結，鬱火上衝者，疏而達之。加味逍遙散。腎水虛而火上炎者，壯水劑之。知柏八味丸。腎經真陽不足而火上泛者，引火歸根。桂附八味丸。若因脾虛



不能生肺而喘者五味異功散加桔梗補土生金此內傷之治法也夫外感之喘多出于肺內傷之喘未有不由于腎者經云諸痿喘嘔皆属于下定喘之法當于腎經責其真水真火之不足而主之如或脾氣大虛則以人參白朮爲主參朮補脾土以生肺金旺則能生水乃隔二隔三之治也更有哮喘與喘相似呀呷不已喘息有音此表寒束其內熱致成斯疾加味甘桔湯主之止嗽散亦佳古今治喘哮喘方論甚繁大意總不出此

加味道遙散 見類中



知柏八味丸 卽六味丸加知母黃柏

桂附八味丸 俱見類中

五味異功散 見虛症

加味甘桔湯 治喘定哮

甘草 五分

桔梗

川貝母

百部

白前

橘紅

茯苓

旋覆花

各一錢 五分

水煎服

止咳散 見傷寒咳嗽



吐血

暴吐血以祛瘀為主而兼之降火久吐血以養陰為主而兼之
 理脾古方四生丸散花蕊石散祛瘀降火之法也古方
 味湯四物湯四君子湯養陰補脾之法也然血症有外感內傷
 之不同假如咳而喘息有音甚則吐血者此風寒也加味香薷
 散散之務農赤日行旅長途口渴自汗而吐血者此傷暑也益
 元散清之夏令火炎更乘秋燥發為乾咳脈數大而吐血者此
 燥火焚金也三黃解毒湯降之此外感之治法也又如陰虛吐



血者初用四生丸。十灰散以化之。兼用生地黄湯以清之。吐血則用地黃丸補之。陽虛大吐血成升斗者。初用花蕊石散以化之。隨用獨參湯以補之。繼則用四君八珍等以調之。臟寒吐血如天寒地凍水凝成冰也。用理中湯以溫之。其或七情氣結怒動肝火者。則用加味逍遙散以疏達之。傷力吐血者。則用澤蘭湯行之。此內傷之治法也。夫血以下行為順。上行為逆。暴吐之時。氣血未衰。飲食如常。大便結實。法當導之。下行病勢既久。氣血衰微。飲食漸減。大便不實。法當養陰血。兼補脾氣。大凡吐血

咯血須用四君子之類以收功蓋陰血生于陽氣脾土旺則能
生血耳治者念之

四生丸

見虛症

十灰散

祛瘀生新止血之利劑

大蘄

小蘄

茅根

茜根

老絲瓜

山梔

蒲黃

荷葉

大黃

亂髮

燒灰存性每服二三錢藕湯調下

花蕊石散



六味湯

四物湯

四君子湯

並見虛症

加味香薷散

即香薷散加山梔丹皮丹參方見傷寒太陽症

益元散

見類中

三黃解毒湯

見傷寒

生地黄湯

見虛症

獨參湯

八珍湯

見虛症

理中湯

見中寒

加味逍遙散

見類中

澤蘭湯

見後腰痛

頭痛

頭為諸陽之會。清陽不升。則邪氣乘之。致令頭痛。然有內傷外



感之。異外感風寒者。宜散之。熱邪傳入胃腑。熱氣上攻者。宜清之。直中症。寒氣上逼者。宜溫之。治法詳見傷寒門。茲不贅。然除正風寒外。復有偏頭風。雷頭風。客寒犯腦。胃火上衝。痰厥頭痛。大頭天行。破腦傷風。眉稜骨痛。眼眶痛等症。更有真頭痛。朝不保暮。勢更危急。皆宜細辨。偏頭風者。半邊頭痛。有風熱。有血虛。風熱者。筋脈抽搐。或鼻塞常流濁涕。清空膏王之血虛者。晝輕夜重。痛連眼角。逍遙散主之。雷頭風者。頭痛而起核塊。或頭中雷鳴。多屬痰火。清震湯主之。客寒犯腦者。腦痛連齒。手足厥冷。



口鼻氣冷。羌活附子湯主之。胃火上衝者。脈洪。大口渴飲冷。頭
筋扛起者。加味升麻湯主之。痰厥頭痛者。胸膈多痰。動則眩暈。
半夏白朮天麻湯主之。腎厥頭痛者。頭重足浮。腰膝痠軟。經所
謂下虛上實是也。腎氣衰則下虛。浮火上泛。故上實也。然腎經
有真水虛者。脈必數而無力。有真火虛者。脈必大而無力。水虛
六味丸。火虛八味丸。大頭天行者。頭腫大甚。如斗時疫之症也。
輕者名發頤腫。在耳前後。皆火鬱也。普濟消毒飲主之。更加針
砭以佐之。破腦傷風者。風從破處而入。其症多發。搐搦。防風散。

至之眉稜骨痛或眼眶痛俱屬肝經見光則痛者屬血虛道逢
 散痛不可開者屬風熱清空膏真頭痛者多屬陽衰頭統諸陽
 而腦為髓海不任受邪若陽氣大虛腦受邪侵則發為真頭痛
 手足青至節勢難為矣速用補中益氣湯加蔓荊子川芎附子
 並進八味丸間有得生者不可忽也

清空膏

羌活

防風 各六分

柴胡 五分

黃芩 半生半炒 一錢二分

川芎 四分

甘草 錢一分

薄荷 三分

黃連 酒炒 六分



水煎服

逍遙散 見虛勞

加味清震湯

升麻 一錢

蒼朮 一錢

青荷葉 一箇 全用 甘草 炙

陳皮 各一分

蔓荊子

荆芥 各一分 五分

薄荷 五分

水煎服

羌活附子散

羌活 一錢

附子

乾姜 各五分

炙甘草 八分



水煎服

加味升麻湯

升麻

葛根

赤芍

甘草 各一錢

石膏

二錢

薄荷

三分

燈心二十節水煎服

半夏白朮天麻湯

半夏

一錢五分

白朮

天麻

陳皮

茯苓

各一錢

甘草

炙五分

生薑

二片

大棗

三個

蔓荊子

一錢



虛者加人參

水煎服

六味丸

八味丸

見類中

普濟消毒飲

治大頭症腫甚者宜破之

甘草

桔梗

黃芩

酒炒

黃連

酒炒各

一錢

馬勃

元參

橘紅

柴胡

各五分

薄荷

六分

升麻

二分

連翹

牛旁子

炒八分

水煎服

體虛加人參五分便閉加大黃酒煨一錢如愚按



此症須用貝母、人中黃、荷葉為妙。發願症倍柴胡、加丹皮、
 喉龍腫痛倍桔梗、甘草。

〔〕 砭法以上細磁鋒用竹片夾定，緊繫放鋒出半分對患處，另以

箸敲之，徧刺腫處，俾紫血多出為善。刺畢以精肉貼片，時再

用雞子清調乳香末潤之。此地不宜成膿，頭內中空耳前後

更多曲折提膿，拔毒恒多不便，故針砭斷不可少。

〔〕 針法以小布針兩枚，手法扣定，露鋒纖少，徧刺腫處，血出立鬆。

更敷前藥，自然消散。用針砭時須正心誠意，咬定牙齒下手。



刺之

防風散

治破腦傷風

防風

生南星

炮等分

右為末每服二錢童便沖酒調服

補中益氣湯

見類中

心痛

當胸之下岐骨陷去屬心之部位其發痛者則曰心痛然心不受邪受邪則為真心痛且暮不保矣凡有痛者胞絡受病也胞



絡者心主之宮城也。寇凌宮禁勢已可危。而况犯主乎。故治之宜亟。亟也。心痛有九種。一曰氣。二曰血。三曰熱。四曰寒。五曰飲。六曰食。七曰虛。八曰蟲。九曰疰。宜分而治之。

氣痛者。氣壅攻刺而痛。游走不定也。沉香降氣散。主氣血痛者。痛有定處而不移。轉側若刀錐之刺。子括散。主之熱痛者。舌燥唇焦。溺赤便閉。喜冷畏熱。其痛或作或止。脈洪大有力。清中湯。主之寒痛者。其痛暴發。手足厥冷。口鼻氣冷。喜熱畏寒。其痛綿綿不休。脈沉細無力。姜附湯加肉桂。主之飲痛者。水飲停積也。



乾嘔吐涎或咳或嗜甚則搥之作水聲脈弦滑小半夏加茯苓
湯主之食痛者傷于飲食心胸脹悶手不可按或吞酸噎膈
緊滑保和湯主之虛痛者心悸怔忡以手按之則痛止歸脾湯
主之蟲痛者面白唇紅或唇之上下有白斑點或口吐白沫飢
時更甚化蟲丸主之疰痛者觸胃邪崇卒爾心痛面目青黯或
昏憤譫語脈來乍大乍小或兩手如出兩人神米散葱白酒生
薑湯並主之此治心痛之大法也

或問久痛無寒暴痛無火然乎否乎答曰此說亦宜斟酌如入



醫學小傳 卷之三 四四
素有積熱。或受暑濕之熱。或熱食所傷而發。則暴痛亦屬火矣。
豈宜熱藥療之。如人本體虛寒。經年累月。憑發無休。是久痛亦
屬寒矣。豈宜寒藥療之。且凡病始受熱中。未傳寒中者。比比皆
是。必須臨症審確。逐一明辨。斯無誤也。又或謂諸痛爲實痛。無
補法亦非也。如人果屬實痛。則不可補。若屬虛痛。必須補之。虛
而且寒。則宜溫補。並行。若寒而不虛。則專以溫劑。王丹溪云。
溫卽是補。若虛而兼火。則補劑中須加涼藥。此治痛之良法。治
者宜詳審焉。



沉香降氣散 治氣滯心痛

沉香 三錢 細銼

砂仁 七錢

甘草 炙五錢

香附 鹽水炒 五兩

元胡索 一兩

酒炒

川棟子

煨去肉 淨一兩

共為末、每服二錢、淡薑湯下

手拈散 治血積心痛

元胡索

醋炒

香附

酒炒

五靈脂

去土 醋炒

沒藥

箬上炙 乾等分

共為細末、每服三錢、熱酒調下、血老者用紅花五分、桃仁十

粒、煎酒調下



北京中醫藥大學圖書館藏

清中湯

治熱厥心痛

香附

陳皮

各一錢五分

黑山梔

金鈴子

枳實

元胡索

各八分

甘草

炙五分

川黃連

姜汁炒一錢

水煎服

薑附湯

見諸方補遺

治寒厥心痛。又真心痛，手足青至節，宜

用本方大劑飲之，或救十中之一二。若痛時，臺手緊按，更加

人參

小半夏加茯苓湯

見傷寒咳嗽



保和湯 治傷食心痛

麥芽

山楂

荀子

厚朴

香附 各一錢

甘草

連翹 各五分

陳皮 一錢五分

水煎服

歸脾湯 治氣血虛弱以致心痛

黃耆 一錢五分

白朮

人參

茯神

棗仁

當歸 各一錢

遠志 七分

木香

甘草 各五分

圓眼肉 五枚



水煎服。若挾肝火加柴胡山梔丹皮各一錢

化蟲丸 治蟲噉心痛

蕪荑

去梗

白雷丸

各五錢

檳榔

二錢五分

雄黃

一錢五分

木香

白朮

陳皮

各三錢

神曲

炒四錢

以百部二兩、熬膏糊丸、如桐子大、每服一錢五分、米飲下、如

取下蟲積、加大黃五錢、酒炒

神木散

見中食

胸痛



胸者肺之分野。然少陽膽經受病亦令胸痛。此邪氣初傳入裡而未深入于裡故胸痛也。古方用柴胡湯加枳殼治之。如未癒本方對小陷湯一服其效如神。又風寒在肺胸滿痛氣喘宜用其桔湯。加理氣散風之劑。又飲食填塞者宜用吐法。其肺癰肺痿二症詳見虛勞茲不贅。

柴胡湯

見傷寒少陽症

其桔湯

見傷寒咽痛

脇痛

傷寒脇痛屬少陽經受邪。用小柴胡湯。雜症脇痛左為肝氣不



和用柴胡疎肝散七情鬱結用逍遙散若兼肝火痰飲食積
 血隨症加藥右為肝移邪于肺用推氣散凡治實症脇痛左用
 枳殼右用鬱金皆為的劑然亦有虛寒作痛得溫則散按之則
 止者又宜溫補不可拘執也

小柴胡湯 見傷寒

柴胡疎肝散 治左脇痛

柴胡

陳皮

各一錢
二分

川芎

赤芍

枳殼 麩炒

香附

醋炒各
一錢

甘草

炙五
分



水煎服。唇焦口渴。乍痛乍止者。火也。加山梔黃芩。肝經
一條扛起者。食積也。加青皮麥芽山楂。痛有定處而不移。
日輕夜重者。瘀血也。加歸尾紅花桃仁牡丹皮。乾嘔咳引
脇下痛者。停飲也。加半夏茯苓。喜熱畏寒。欲得熱手按者。
寒氣也。加肉桂吳茱萸。

逍遙散 見虛勞

推氣散 治右脇痛

枳殼 一錢

鬱金 一錢

桂心

甘草 炙各五分



桔梗

陳皮 各八分

薑 二片

棗 二枚

水煎服

瓜蒌散

治肝氣燥急而脇痛或發水泡

大瓜蒌

一枚連皮搗爛

粉甘草 二錢

紅花 七分

水煎服。按鬱火日久。肝氣燥急。不得發越。故皮膚起泡。轉為脹痛。經云。損其肝者。緩其中。瓜蒌為物。甘緩而潤。干鬱不逆。又如油之洗物。滑而不滯。此其所以奏功也。

胃脘痛



胃脘痛。治法與心痛相倣。但停食一症。其脹痛連胸者。吐之脹痛連腹者。下之。其食積之輕者。則用神木散消之。又有胃脘痛症。嘔而吐膿血者。不得妄治。書云。嘔家有膿。不須治。嘔膿盡自愈。

神木散 方見食中

腹痛

腹中痛。其寒熱食積氣血虫蟲。辨法亦與心痛相符。惟有肝木乘脾攪腸沙腹內瘕。茲三症有不同耳。經云。諸痛皆屬于肝脾。



木乘脾。則腹痛。仲景以芍藥甘草湯主之。甘草味甘。甘者已也。芍藥味酸。酸者甲也。甲已化土。則肝木平。而腹痛止矣。傷寒症中。有由少陽傳入太陰而腹痛者。柴胡湯加芍藥。有因誤下傳入太陰而腹痛者。桂枝湯加芍藥。卽同此意。尋常腹痛。全在寒熱。食積。分別詳明。爲主。凡腹痛乍作乍止。脈洪有力。熱也。以芍藥甘草湯加黃連清之。若噯腐吞酸。飽悶膨脹。腹中有一條扛起者。是食積也。保和丸消之。消之而痛不止。便閉不行。腹痛拒按者。三黃枳木丸下之。設或下後仍痛。以手按其腹。若更痛者。



積未盡也。仍用平藥再消之。若按之痛止者。積已去而中氣虛也。五味異功散補之。若消導攻下之後。漸變寒中。遂至惡冷喜熱。須易溫中之劑。此火痛兼食之治法也。若腹痛綿綿不減。脈遲無力者。寒也。香砂理中湯溫之。若兼飽悶脹痛。是有食積。不便驟補。香砂二陳湯加薑桂查芽厚朴溫而消之。消之而痛不止。大便反閉。名曰陰結。以木香九熱藥下之。下後仍以溫劑和之。此寒痛兼食之治法也。若因濁氣壅塞。走注疼痛。木香調氣散散之。若因瘀血積聚。呆痛不移。澤蘭湯行之。蟲噬而痛。唇有



班點飢時更甚。化蟲丸消之。傷暑霍亂。四味香薷飲解之。更有
 乾霍亂症。欲吐不得吐。欲瀉不得瀉。變在須臾。俗名攪腸沙。是
 也。更有徧體紫黑者。名曰烏沙脹。急用燒鹽和陰陽水吐之。或
 用四陳湯服之。外用武侯平安散。點左右大眼角。其人即甦。其
 腹內癰一症。當臍腫痛。轉側作水聲。小便如淋。千金牡丹皮散
 化之。古方治腹痛症。多以寒者為虛。熱者為實。未盡然也。蓋寒
 症亦有實痛者。熱症亦有虛痛者。如寒痛兼食。則為實矣。挾熱
 久痢。則為虛矣。凡看症之法。寒熱虛實。互相辨明。斯無誤也。



芍藥甘草湯 止腹痛如神

白芍藥

酒炒 三錢

甘草

炙一錢 五分

水煎服。脈遲為寒加乾薑、脈洪為熱加黃連、脈緩為濕加蒼朮、生薑、脈瀦傷血加當歸、脈弦傷氣加芍藥。

保和丸

見心痛

消食積、清濕熱、腹中有一條扛起者是食積也。

舌乾口燥是濕熱也、本方主之、有熱加黃連、

三黃枳朮丸

消熱食、除積滯、腹痛拒按、便閉溺赤、各曰陽結、

宜用本方、若冷食所傷、宜用木香丸、若冷熱互傷、須酌其所



食冷熱之多寡而並用之此東垣法也

黃芩 一兩

黃連 五錢

大黃 七錢五分

神曲

白朮

枳實

陳皮 各五錢

荷葉一枚煎水盪為丸量虛實用

五味異功散 見虛寒

香砂理中湯 見中寒

治客寒犯胃其症手足厥冷、口鼻氣冷、其

痛綿綿不止、喜熱畏寒、脈沉細、不比熱痛乍止乍作、喜冷畏

熱唇焦舌燥、口渴脈洪也、寒熱之別相隔千里



香砂二陳湯

見類中卽二陳湯加木香砂仁

木香丸

治寒積冷食腹痛拒按或大便閉結謂之冷閉各日

陰結本方攻之

木香

丁香

各一錢五分

乾姜

三錢

麥芽

炒五錢

陳皮

三錢

巴豆

三十粒去壳炒黑

神曲煮糊爲丸每服十九或二十九開水下痛甚者倍之所

食之物應隨利出如利不止以冷粥飲之即止

木香調氣散

見類中

澤蘭湯

見吐血



南京中醫藥大學圖書館藏

化蟲丸 見心痛

四味香薷飲 見傷暑

諸葛武侯平安散

硃砂 二錢

射香

冰片 各五厘

明雄黃

硼砂 各五分

白硝 二分

共研極細末、用小磁罐收貯、每用清水、以骨簪點二三厘在
大眼角內、如點眼藥法、點後忌熱茶飲食、半日即愈

四陳湯

陳皮 去白

陳香圓 去穢

陳枳殼 去穢

陳茶葉



等分爲末每服三錢開水點服

千金牡丹皮散 治腹內癰

牡丹皮 三錢
苡仁 五錢

桃仁 針炒

瓜蒌仁 去壳去油
淨二錢

水煎服

小腹痛

書云大腹屬太陰。當臍屬少陰。小腹屬厥陰。傷寒傳至厥陰。少腹痛甚。此熱邪也。宜下之。若熱結在裏。蓄血下焦。亦宜下之。若



直中厥陰。小腹冷痛。則為寒邪。宜溫之。治法已詳本門。尋常止
 腹痛。多屬疝瘕。奔豚之類。書云。男子外結。七疝。女子帶下。瘕聚。
 古人更有疝瘕。瘕瘕之名。皆一類也。疝如弓弦。筋扛起也。瘕者
 隱辟。沉附着骨也。瘕則有塊。可徵。猶積也。多屬于血。瘕者假也。
 忽聚而忽散。氣為之也。奔豚者。如江豚之上竄。冷氣上衝也。其
 瘕瘕之氣。聚于小腸。則曰小腸氣。聚于膀胱。則曰膀胱氣也。小
 腸氣失。氣則快。膀胱氣少。腹熱若沃。以湯瀉于小便也。凡治少
 腹痛。當用墜降之藥。其行氣皆當用核。乃能宣達。病所以取效。



也橘核丸奔豚丸並主之

橘核丸

通治癥瘕痞癖小腸膀胱等氣

橘核

鹽酒炒

川楝子

煨去肉

山楂子

炒

香附

姜汁浸炒各一兩五錢

荔枝核

煨研

小茴香

微炒各一兩

神曲四兩煮糊爲丸如桐子大每服三錢淡鹽水下寒甚

加附子五錢肉桂三錢當歸一兩有熱加黑山梔七錢又

疝氣症表寒束其內熱丹溪以黑山梔吳茱萸並用按此二

味若寒熱不調者加入丸中更佳若胞痺小便不利去小茴



加茯苓車前子丹參黑山梔

奔豚丸

見積聚

身痛

身體痛。內傷外感。均有之。如身痛而拘急者。外感風寒也。身痛如受杖者。中寒也。身痛而重墜者。濕也。若勞力辛苦之人。一身酸軟無力而痛者。虛也。治法。風則散之。香薷散。寒則溫之。理中湯。濕則燥之。蒼白二陳湯。虛則補之。補中益氣湯。大抵身痛多屬于寒。蓋熱主流通。寒主閉塞也。無論風濕與虛挾寒者。多挾



熱者少治者審之。

香薷散 見太陽症

理中湯 見中寒

蒼朮二陳湯 卽二陳湯加蒼朮白朮見類中

補中益氣湯 見類中

肩背臂膊痛

肩臂痛古方主以茯苓丸。謂痰飲爲患也。而亦有不盡然者。凡背痛多屬於風。胸痛多屬於氣。氣滯見痰涎臟腑之病也。背爲諸膈之所伏。凡風邪襲人必從膈入經絡之病也。間有胸痛連



北京中醫藥大學圖書館藏

背者氣閉其經也。亦有背痛連胸者。風鼓其氣也。治胸痛者。理痰氣。治背痛者。祛風邪。此一定之理。理痰氣宜用木香調氣散。並前丸祛風邪。宜用秦芫天麻湯。挾寒者加附桂。挾虛者以補中益氣加秦芫天麻主之。如或風邪痰氣互相鼓煽。痰飲隨風走入經絡。而肩臂腫痛。則煎丸二方。須酌量合用。治無不效矣。

茯苓丸

茯苓

半夏

各二兩
薑汁炒

風化硝

枳殼

麩炒各
五錢

薑汁糊丸。如桐子大。每服二三十丸。淡薑湯下。



木香調氣散

見類中

秦芫天麻湯

秦芫一錢五分 天麻

羌活 陳皮

當歸 川芎 各一錢

炙甘草 五分 生薑 三片

桑枝 三錢 酒炒

水煎服。挾寒加附子桂枝

補中益氣湯 見類中

腰痛



腰痛有風有寒有濕有熱有瘀血有氣滯有痰飲皆標也腎虛
其本也腰痛拘急牽引腿足脈浮弦者風也腰冷如冰喜得熱
手慰脈沉遲或緊者寒也並用獨活湯主之腰痛如坐水中身
體沉重腰間如帶重物脈濡細者濕也蒼白二陳湯加獨活主
之若腰重疼痛腰間發熱痿軟無力脈弦數者濕熱也恐成痿
症前方加黃蘗主之若因閃挫跌撲瘀積於內轉側若刀錐之
刺大便黑色脈瀉或乳者瘀血也澤蘭湯主之走注刺痛忽聚
忽散脈弦急者氣滯也橘核丸主之腰間腫按之濡軟不痛脈



滑者痰也。二陳湯加白朮、葶藶、白芥子、竹瀝、薑汁。主之。腰痛似
脫。重按稍止。脈細弱無力者。虛也。大君子湯加杜仲、續斷、玉竹。
若兼陰冷。更佐以八味丸。大抵腰痛。悉屬腎虛。既挾邪氣。必須
祛邪。如無外邪。則惟補腎而已。然腎虛之中。又須分辨寒熱。二
症。如脈虛軟無力。溺清便澹。腰間冷痛。此爲陽虛。須補命門之
火。則用八味丸。若脈細數無力。便結溺赤。虛火時炎。此腎氣熱。
髓減。骨枯。恐成骨痿。斯爲陰虛。須補先天之水。則用六味丸。合
補陰丸之類。不可誤用熱藥。以灼其陰。治者審之。



獨活湯 治腎虛兼受風寒濕氣

獨活

桑寄生

防風

秦艽

威靈仙

牛膝

茯苓 各一錢

桂心 五分

細辛

甘草 各三分

當歸

金毛狗脊 各二錢

生薑二片水煎服。丹溪云久腰痛必用官桂開之方止寒甚者更加附子但有濕熱則二者皆不宜用。

蒼白二陳湯 見類中

澤蘭湯 治因挫跌撲瘀血內蓄轉側若刀錐之刺



澤蘭 三錢

丹皮

牛膝 各二錢

桃仁 十粒去皮尖研

紅花 五分

當歸尾 五錢

廣三七 一錢

赤芍藥 一錢五分

水煎熱酒衝服。如二便不通加酒蒸大黃三錢。凡跌打

傷重便溺不通者非大黃不救若大便已通則用廣三七前

酒或山羊血衝酒青木香煎酒隨用一味皆可立止疼痛

橘核丸 見小腹痛

袞苓丸 見臂肩痛

六君子湯 見類中

六味丸 八味丸 見虛

補陰丸 治腎氣熱腰軟無力恐成骨痿



熟地 三兩

丹皮

天冬

當歸

枸杞子

牛膝

山藥

女貞子

茯苓

龜版

杜仲

續斷 各一兩
二錢

人參

黃柏 各五錢

石斛四兩熬膏、和煉蜜為丸、每早淡鹽水下三錢

痺 鶴膝風

痺者痛也、風寒濕三氣雜至、合而為痺也、其風氣勝者為行痺、
遊走不定也、寒氣勝者為痛痺、筋骨攣痛也、濕氣勝者為着痺、



浮腫重墜也。然既曰勝則受病有偏重矣。治行痺者散風爲主。而以除寒祛濕佐之。大抵衆以補血之劑所謂治風先治血。血行風自滅也。治痛痺者散寒爲主。而以疎風燥濕佐之。大抵衆以補火之劑。所謂熱則流通。寒則凝塞。通則不痛。痛則不通也。治着痺者燥濕爲主。而以祛風散寒佐之。大抵衆以補脾之劑。蓋土卑則能勝濕。而氣足自無頑麻也。通用蠲痺湯加減。主之。痛甚者佐以松枝酒。復有患痺日久。腿足枯細。膝頭腫大。名曰鶴膝風。此三陰本虧。寒邪襲于經絡。遂成斯症。宜服虎骨膠丸。



外貼普救萬全膏則漸次可愈矣此不治則成痼疾而為廢矣。

蠲痺湯

通治風寒濕三氣合而成痺

羌活

行上力大

獨活

行下力專各一錢

桂心

五分

秦艽

一錢

當歸

三錢

川芎

七分治風先治血

甘草

炙五分

海風藤

二錢

桑枝

三錢

乳香

透明者

木香

各八分止痛瀝理氣

水煎服。風氣勝者更加秦艽防風。寒氣勝者加附子。

濕氣勝者加防己萆薢苡仁。痛在上者去獨活加荆芥。



痛在下者加牛膝。間有濕熱者其人舌乾喜冷口渴溺赤

腫處熱辣此寒久變熱也去肉桂加黃柏三分

松枝酒 治白虎歷節風走注疼痛或如蟲行諸般風氣

松節

桑枝

桑寄生

勾藤

續斷

天麻

金毛狗脊

虎骨

秦艽

青木香

海風藤

菊花

五加皮

各一兩 當歸 三兩

每藥一兩用生酒二觔煮退火七日飲。痛尚在加牛膝



虎骨膏丸

治鶴膝風並治癱瘓諸症

虎骨 二筋到碎洗淨用嫩桑枝金毛狗脊去毛白菊花去
蒂各十兩秦艽二兩煎水熬虎骨成膠收起如蜜樣

和藥為丸如不足量加煉蜜

大熟地 四兩 當歸 三兩

半膝

山藥

茯苓

杜仲

枸杞

續斷

桑寄生

各二兩

熟附子

七錢

厚肉桂

去皮不見火五錢

丹皮

澤瀉

八錢

人參

二兩貧者以黃芪四兩代之

右為末以虎骨膠為丸每早開水下三錢



普救萬全膏 治一切風氣走注疼痛以及白虎歷節風鶴膝

風寒濕流注癰疽發背疥瘡癩癧跌打損傷腹中食積痞塊

多年瘡母頭痰瘀血停蓄腹痛泄利小兒疳積女人癥瘕諸

症並貼患處咳嗽瘧疾貼背脊心第七椎子製此膏普送取

效神速倘貼後起泡出水此病氣本深盡為藥力拔出吉兆

也不必疑懼記之記之。

藿香

白芷

當歸尾

貝母

大楓子

木香

白蘇

烏藥

生地

蘿蔔子



丁香 白芫 姜蚕 細辛 草麻子

檀香 秦朮 蜂房 防風 五加皮

苦參 肉桂 蟬退 丁皮 白鮮皮

羌活 桂枝 全蝎 赤芍 高良薑

元參 南星 鱉甲 荆芥 兩頭尖

獨活 蘼木 枳殼 連翹 威靈仙

桃仁 牛膝 紅花 續斷 花百頭

杏仁 蒼朮 艾絨 藁本 骨碎補



川芎

黃芩

麻黃

甘草

黑山梔

川鳥

附子

牙皂

半夏

草烏

紫荊皮

青風藤

以上各一兩五錢

大黃

三兩

蜈蚣

三十條

蛇脫

五條

槐枝

桃枝

柳枝

桑枝

練枝

榆枝

楮枝

以上各三寸

男人血餘

三兩以上俱浸油內

真酥油

十五觔用二兩秤稱

松香

一百觔攪皮濾淨

百草霜

十觔細研篩過

冬浸九宿、春秋七宿、夏五宿、分數次入鍋、文武火熬、以藥枯



南京中醫藥大學圖書館藏

油黑滴水成珠為度。濾去渣，重稱。每藥油十二兩，下濾淨片。子松香四觔，同熬至滴水不散。每鍋下百草霜細末六兩，勿住手攪。俟火候成，則傾入水缸中，以捧攪和成塊。用兩人拔數次，磁鉢收貯。治一切風寒濕氣瘡疽等症，其效如神。又法治瘡疽，用血丹收，更妙。每油一觔，用丹六兩。

痿

痿。大症也。諸痿生於肺熱。經云：五臟因肺熱葉焦，發為痿躄。肺氣熱則皮毛先痿，而為肺鳴。心氣熱則脈痿脛縱，不任地。肝氣



熱則筋痿。口苦而經攣。脾氣熱則肉痿。肌膚不仁。腎氣熱則骨痿。腰脊不舉。丹溪治法。瀉南方補北方。瀉南方則肺金不受刑。補北方則心火自下降。俾西方清肅之令下行。庶肺氣轉清。筋脈骨肉之間濕熱漸消而痿可愈也。然經云。治痿獨取陽明何也。蓋陽明爲臟腑之海。主潤宗筋。宗筋主束骨而利機關也。陽明虛則宗筋縱。帶脈不引。故足痿不用也。由前論之則曰五臟有熱。由後論之則曰陽明之虛。二說似異而實同。蓋陽明胃屬濕土。土虛而感濕熱之化。則母病傳子。肺金受傷而痿症作矣。



是以治痿獨取陽明也。取陽明者所以祛其濕。瀉南補北者所以清其熱。治痿之法不外補中祛濕養陰清熱而已矣。

五痿湯

治五臟痿

人參

白朮

茯苓 各一錢

甘草 四分

當歸 一錢五分

苡仁 三錢

麥冬 二錢

黃柏 炒褐 色

知母 各五分

水煎服。心氣熱加黃連三分。丹參生地各一錢。肝氣熱

加黃芩丹皮牛膝各一錢。脾氣熱加連翹一錢。生地一錢。



五分。腎氣熱加生地牛膝石斛各一錢五分。肺氣熱加

天冬百合各二錢。挾痰如川貝竹瀝。濕痰加半夏曲。

瘀血加桃仁紅花。如氣血兩虛另用十全大補湯。

虛熱髓減骨枯兼用虎潛丸主之。

十全大補湯 見虛勞

虎潛丸 煎

龜版 四兩

杜仲

熟地 各三兩

黃柏 炒

知母 各五錢

牛膝

白芍藥

虎骨 酥酒炙



當歸 各二兩

陳皮 四錢

乾薑 二錢

為末酒糊丸每服二錢淡鹽水下加入參二兩尤妙

脚氣

脚氣者。脚下腫痛。即痺症之類也。因其痛專在脚。故以脚氣名之。其腫者名濕脚氣。不腫者名乾脚氣。濕脚氣。水氣勝也。檳榔散主之。乾脚氣。風氣勝也。四物湯加牛膝木瓜主之。

檳榔散 脚氣謂之壅疾。不宜驟補。

檳榔

牛膝

木瓜

濁活



秦艽

各一錢

青木香

天麻

赤芍

各八分

桑枝

二錢

當歸

五分

水煎服

四物湯

見虛症

癘風

癘風癩也俗稱大麻風。濕熱在內而為風鼓之。則肌肉生蟲。白屑重疊。搔癢頑麻。甚則眉毛脫落。鼻柱崩壞。事不可為矣。治法。清濕熱。祛風邪。以苦參湯。地黃酒。並主之。外以當歸膏塗之。往



安徽中醫藥大學圖書館藏

往取效未可據視為癘疾而忽之也。

苦參湯

苦參 一錢五分

生地 二錢

黃柏 五分

當歸

秦艽

牛蒡子

赤芍

白茯苓

丹參

丹皮

銀花

貝母

各一錢

加甘菊三錢水煎服

地黃酒

生地 二兩

黃柏

苦參

丹參



草薺

菊花

銀花

丹皮

赤芍

當歸

枸杞子

蔓荊子

赤茯苓

各一兩

秦艽

獨活

威靈仙

各五錢

桑枝

一兩五錢

烏梢蛇

去頭尾
一具

右煮好頭生酒五十觔，退火七日用。

加味當歸膏

治一切瘡疹，並癰腫，喉口皆效。

當歸

生地

各一兩

紫草

木鼈子肉

去壳

麻黃

大楓子肉

去壳研

防風



黃柏

元參 各五錢

蘇油 八兩

黃蠟 二兩

先將前九味入油熬枯濾去渣再將油復入鍋內熬至滴水成珠再下黃蠟試水中不散為度傾入蓋碗內坐水中出火

三日聽擦

噎隔

古方治噎隔多以止吐之劑通用不思吐濕症也宜燥噎隔燥症也宜潤經云三陽結謂之隔結結熱也熱甚則物乾凡噎隔症不出胃脘乾稿四字稿在上脘者水飲可行食物難入稿在



下。腕。者。食。雖。可。入。久。而。復。出。夫。胃。既。稿。矣。而。復。以。燥。藥。投。之。不。
 愈。益。其。燥。乎。是。以。大。小。半。夏。二。湯。在。噎。隔。門。為。禁。劑。予。嘗。用。啟。
 膈。散。開。闕。更。佐。以。四。君。子。湯。調。理。脾。胃。挾。鬱。者。則。用。逍。遙。散。主。
 之。雖。然。藥。逍。遙。而。人。不。逍。遙。亦。無。益。也。張。雞。峯。云。此。症。乃。神。思。
 間。病。法。當。內。觀。靜。養。斯。言。深。中。病。情。然。其。間。有。挾。蟲。挾。血。挾。痰。
 與。食。而。為。患。者。皆。當。按。法。兼。治。不。可。忽。也。

啟膈散

通噎隔開闕之劑屢效

沙參 三錢

丹參 三錢

茯苓 一錢

川貝母

去心 錢五分



鬱金 五分

砂仁壳 四分

荷葉蒂 二個

杵頭糠 五分

水煎服。虛者加人參。前症若兼蟲積加胡連、蕪蘘甚則

用河澗雄黃散吐之。若兼血積加桃仁、紅花或另以生

汁飲之。若兼痰積加廣橘紅。若兼食積加荀子、麥芽山

查。此症有生蛇蚘者，華陀以醋蒜食之，令飽則吐物而出

真神法也。

四君子湯 見虛症

調中散 補虛開關和胃 胃弱虛寒而食以穀藥其效不



北沙參 三兩

荷葉 去筋淨 一兩

廣陳皮 浸去白 一兩

茯苓 一兩

川貝母 去心粘米 炒一兩

丹參 二兩

陳倉米 炒熟 三兩

五穀強 酒炒焦 黃一兩

共為細末每用米飲調下三錢日二服

逍遙散 見類中

河間雄黃散

雄黃

瓜蒂

赤小豆 各一錢

共為細末每服五分溫水調滴入狗油數匙服下以吐為度



此去隔間小蟲隨用五味異功散安之續用逍遙散調之

痢疾

古人治痢多用墜下之品如檳榔枳實厚朴大黃之屬所謂通因通用法非不善矣然而效者半不效者半其不效者每至纏綿難愈或嘔逆不食而成敗症者比比皆是予爲此症仔細揣摩不捨置忽見燭光遂恍然有得因思火性炎上者也何以墜下于腸間而爲痢良由積熱在中或爲外感風寒所閉或爲飲食生冷所遏以致火氣不得舒伸逼迫于下裏急而後重也醫



者不察。更用檳榔等藥下墜之。則降者愈降。而痢愈甚矣。予因製治痢散以治痢症初起之時。方用葛根爲君。鼓舞胃氣。主行也。陳茶苦參爲臣。清濕熱也。麥芽山查爲佐。消宿食也。赤芍藥廣陳皮爲使。所謂行血則便膿自愈。調氣則後重自除也。製藥普送效者極多。惟於腹中脹痛不可手按者。此有宿食。更佐以樸黃丸下之。若日久脾虛。食少痢多者。五味異功散加白芍黃連木香清而補之。氣虛下陷者。補中益氣湯升提之。若邪熱穢氣塞于胃腕。嘔逆不食者。開噤散散之。若久痢變爲虛寒。四肢

厥冷脈微細。飲食不消者。附子理中湯加桂。溫之。夫久痢必傷腎。不為溫煖。元陽誤事者眾矣。可不謹歎。

治痢散。耑治痢疾初起之時。不論赤白皆效。

葛根

苦參

陳皮

陳松蘿茶

各一觔

赤芍

酒炒

麥芽

炒

山查

炒各十
二兩

右為細末。每服四錢。水煎連末藥服下。小兒減半。忌葷腥麪

食煎炒閉氣發氣諸物。本方加川連四兩尤效。

樸黃丸。治痢疾初起。腹中實痛。不得手按。此有宿食也。宜下



之

陳皮

厚朴

姜汁炒各十二兩

大黃

一觔四兩酒蒸

廣木香

四兩

荷葉水疊為丸。如菉豆大。每服三錢。開水下。小兒二錢。

五味異功散

即六君子湯除半夏見類中門

補中益氣

見類中

開噤散

治嘔逆食不入。書云。食不得入。是有火也。故用黃連。

痢而不食。則氣益虛。故加入參。虛人久痢。並用此法。

人參

川黃連

姜水炒各五分

石菖蒲

七分不見鐵



丹參 三錢 石蓮子

去壳即建蓮 中有黑壳者

茯苓 陳皮

陳米 一撮

冬瓜仁 去壳一錢五分

荷葉蒂 二箇

水煎服

附子理中湯 見中寒門

泄瀉

書云濕多成五瀉。瀉之屬濕也。明矣。然有濕熱有濕寒。有食積。有脾虛。有腎虛。皆能致瀉。宜分而治之。假如口渴溺赤。下瀉腸



垢濕熱也。溺清口和下瀉清穀濕寒也。胸滿痞悶嘔腐吞酸瀉

下。穢食積也。食少便頻。面色恍白脾虛也。五更天明依時作

瀉。腎虛也。治瀉神水散主之。寒熱食積。隨症加藥。脾虛者香砂

六君子湯。腎虛者加減七神丸。凡治瀉須利小便。然有食積未

消者正不宜利小便。必俟食積既消。然後利之。斯為合法。

神水散 見類中 燥濕理脾消積滯為止瀉之良藥。濕熱加連翹

濕寒加炮薑木香食積加山查麥芽神曲

香砂六君子湯 見類中 治脾虛作瀉。挾寒者加薑桂甚加附子



加味七神丸

止腎瀉如神

肉豆蔻

麩裹

吳茱萸

去梗湯泡七次

廣木香

各一兩

補骨脂

鹽酒炒二兩

白朮

陳土炒四兩

茯苓

蒸二兩

車前子

去壳蒸二兩

湯疊為丸每服三錢開水下

瘧疾

瘧者暴瘧之狀因形而得各也經曰陰陽相搏而瘧作矣陰搏

陽而為寒陽搏陰而為熱如二人交爭此勝則彼負彼勝則此



南京中醫藥大學圖書館藏

負陰陽互相勝負故寒熱並作也善治瘧者調其陰陽平其爭
勝察其相兼之症而用藥得宜應手可愈大法瘧症初起香薷
散散之隨用加減小柴胡湯和之二三發後止瘧丹截之久瘧
脾虛六君子湯加柴胡補之中氣下陷補中益氣湯舉之元氣
既回瘧症自止書云一日一發者其病淺兩日一發者其病深
三日一發者其病尤深然而寒熱往來總在少陽久而不愈總
不離乎脾胃蓋胃虛亦惡寒脾虛亦發熱也疎理少陽扶助脾
胃治瘧無餘蘊矣



香薷散 見傷寒大陽症

加減小柴胡湯

治瘧症之通劑須按加減法主之

柴胡

秦艽

赤芍 各一錢

甘草 五分

陳皮 一錢五分

生薑一片、桑枝二錢、水煎服。熱多者加黃芩一錢。寒多者加黑薑五分。口渴甚者加知母一錢、貝母一錢五分。嘔噁加半夏、茯苓各一錢、砂仁七分、生薑二片。汗少者加荆芥一錢、川芎五分。汗多者祛秦艽、咸柴胡一半、加人參



一錢白朮一錢五分。飲食停滯胸膈飽悶加麥芽神曲
 查厚朴各一錢。如欲止之加白藜仁八分鼈甲醋炙一錢
 更另用止瘧丹一二丸截之神效。若體虛氣弱加人參與
 著白朮各二錢當歸茯苓各一錢。久病成瘧母加白朮一
 錢木香枳實各五分鼈甲二錢

止瘧丹 治瘧症二三發後以此止之應手取效

常山 火酒炒
 草菓仁 去壳
 半夏曲 姜汁炒

香附米 酒炒
 青皮 去穢醋炒
 各四兩



真六神麩十二兩為末用米飲煮糊為丸如彈子大硃砂為衣輕者一丸重者二丸紅棗五六枚煎湯化下清晨面東空腹服

六君子湯 補中益氣湯 俱見類中

瘡久變虛宜用前二方主之但真虛者多挾寒須加肉桂附子炮姜砂仁之類溫補元氣甫克收功

論水腫鼓脹

問曰水腫鼓脹何以別之答曰目窠與足先腫後腹大者水也



先腹大後四肢腫者脹也。然水腫亦有兼脹者，脹亦有兼水者。須按其先後多寡而治之。今分爲兩門治者，宜合參焉。

水腫

水腫症有表裏寒熱。腎胃之分。大抵四肢腫腹不腫者，表也。四肢腫腹亦腫者，裏也。煩渴口燥溺赤便閉飲食喜涼，此屬陽水。熱也不煩渴大便自調飲食喜熱，此屬陰水。寒也。先喘而後腫者，腎經聚水也。先腫而後喘，或但腫而不喘者，胃經蓄水也。經云：腎者胃之關也。關閉則水積，然胃病而關亦自閉矣。治胃者



五皮飲加減至之。治腎者腎氣丸加減至之。或問書云先喘後腫其病在肺何也。答曰喘雖肺病其本在腎經云諸痿喘嘔皆屬于下是也。若外感致喘或專屬肺經受邪內傷致喘未有不由于腎者。治者詳之。

五皮飲 治胃經聚水乃通用之劑。華陀中藏經之方也。累用

聚驗

大腹皮

黑豆汁洗

茯苓皮

陳皮

桑白皮

各一錢五分

生姜皮

八分



水煎服。仲景云腰以上腫宜發汗加紫蘓秦艽荆芥防風
腰以下腫宜利小便加赤小豆赤茯苓澤瀉車前子葶藶防
已若大便不通宜下之加大黃葶藶腹中脹滿加藟子厚朴
陳皮麥芽山查。體虛者加白朮人參茯苓。審是陰水加
附子乾姜肉桂。審是陽水加連翹黃柏黃芩。挾痰者加
半夏生姜既消之後宜用理中湯健脾胃或以金匱丸溫
煖命門或以六味加牛膝車前滋腎水清餘熱庶收全功。

附子理中湯

見中寒

蘇秦水小更不味數飲如頭如熱則除



金匱腎氣丸

治腎經聚水小便不利腹脹肢腫或痰喘氣急

漸成水蠱其效如神然腎經聚水亦有陰陽之分不可不辨也經云陰無陽無以生陽無陰無以化經又云膀胱者州都之官津液藏焉氣化則能出矣假如腎經陽虛陰無以生真火不能制水者宜用此丸假如腎經陰虛陽無以化真陰不能化氣者宜用本方去附桂至之東垣云土在兩中化為泥陰水之象也河澗云夏熱之甚庶土蒸溽陽水之象也知斯意者可以治水矣



大熟地 八兩

山藥 四兩

山萸肉

丹皮

澤瀉

車前子

牛膝 各二兩

茯苓 六兩

肉桂 一兩

附子 一兩 虛寒甚者倍之

用五加皮八兩、煮水一大碗、濾去渣、和藥、加煉蜜為丸、如桐子大、每早開水下四錢。前症若屬陰虛、本方祛桂、附加文蛤、牡蠣各二兩、濕熱甚者、加黃柏五錢、不用五加皮、以葶藶八兩、熬汁代之。

論血分水分



河南中醫藥大學圖書館藏

婦人經水先斷後發腫者名曰血分通經丸主之。先發水腫然後經斷者名曰水分五皮飲送下通經丸主之。

通經丸

當歸尾

赤芍藥

生地黃

川芎

牛膝

五靈脂

紅花

桃仁

香附

琥珀

七錢五分

煎水屑二兩煎酒和砂糖熬化爲丸如桐子大每服三錢酒下。體虛者用理中湯送下。若血寒加肉桂五錢。



鼓脹

或問方書有鼓脹蠱脹之別何也答曰鼓者中空無物有似於鼓蠱者中實有物非蠱卽血也中空無物填實則消經所謂塞因塞用是已中實有物消之則平經所謂堅者削之是已然脹滿有寒熱虛實淺深部位之不同若不細辨何由取效假如溺赤便閉脈數有力色紫黑氣粗厲口渴飲冷唇焦舌燥多屬於熱假如溺清便澹脈細無力色眊白氣短促喜飲熱湯舌潤口和多屬於寒又如腹脹按之不痛或時脹時減者爲虛按之愈



痛腹脹不減者為實。凡脹滿飲食如常者其病淺。飲食減少者其病深。且脹有部分。縱是通腹脹滿亦必有脹甚之部。與病先起處。即可知屬何臟腑。而用藥必以之為主。東垣治脹滿不外枳木補中二方。出入加減。寒熱攻補。隨症施治。予因製和中丸。普送效者甚多。有力者當修合以濟貧乏。又氣虛中滿宜用白朮丸。而以六君子湯佐之。中空無物不用枳實。恐傷氣也。

枳木丸 除脹消食

枳實

一兩 麩炒

白朮

二兩 陳土炒

若血寒加肉桂五錢



共為末、荷葉包爛、飯煨透、杵和為丸、每服二錢、開水下

補中益氣湯 見類中

和中丸

白朮 陳土炒 扁豆 炒 三兩
茯苓 一兩 枳實 炒 二兩

陳皮 三兩 神曲 炒 黑麥芽 炒 山查 炒

香附 姜汁炒 砂仁 一兩 半夏 姜汁炒 丹參 酒蒸 二兩

五穀蟲 三兩酒拌炒 焦黃色

荷葉一枚、煎水、疊為丸、每日上午下午開水下二錢、此方不



寒不熱。和平之治法也。若寒氣盛。加乾姜。吳茱萸。肉桂。若

濕熱盛。加黃連。連翹。若大便閉結。先用三黃枳朮丸下之。

隨用本方。漸磨之。若兼瘀血。加厚朴。赤芍。若脾虛氣弱。

用六君子湯。吞服此丸。或以補中益氣湯送下。此醫門之秘

法。不可不講。

白朮丸 治氣虛中滿

白朮

茯苓

陳皮 各二兩

砂仁

兵神末 一兩

五穀蟲 四兩

共再煎二匙。開水



用荷葉老米煎水疊爲丸每服三錢開水下

三黃枳木丸 治熱食所傷肚腹脹痛並濕熱脹滿大便閉結

者

黃芩

一兩 酒炒

黃連

四錢 酒炒

大黃

七錢五分 神曲炒

枳實

麩炒

白朮

陳土炒

陳皮

各五錢

荷葉煎水疊爲丸如菉豆大每服一錢五分或二三錢量人

虛實用

六君子湯

見類中



積聚

積者推之不移。成於五臟。多屬血病。聚者拚之則移。成於六腑。多屬氣病。治積聚者。當按初中末之三法焉。邪氣初客。積聚未堅。宜直消之。而後和之。若積聚日久。邪盛正虛。法從中治。須以補瀉相兼為用。苦塊消及半。便從末治。即任攻擊之藥。但和中養胃。導達經脈。俾榮衛流通。而塊自消矣。更有虛人患積者。必先補其虛。理其脾。增其飲食。然後用藥攻其積。斯為善治。此先補後攻之法也。初治太無神功散。主之。既始和中丸。主之。末治



理申湯主之予嘗以此三法互相為用往往有功

太無神功散 治痞積不拘氣血飲食蟲積痰水皆效

地扁蓄

瞿麥穗

大麥芽

各五錢

神曲

二錢五分

沉香

木香

各一錢五分

甘草

炙五錢

大黃

酒蒸二兩

右為細末每服二三錢燈心竹葉煎湯及無灰酒調服女以

燈心紅花當歸煎湯及無灰酒送下忌油膩動氣之物及房

室一月藥須黃昏服勿食晚飯大小便見惡物為度

和中丸

見鼓脹

書云肝之積在左脇下名曰肥氣加柴胡鼈甲



青皮、莪朮、肺之積。在右脇下。名曰息賁。加白蔻仁、桑白皮、

金心之積。起臍上。上至心下。大如臂。名曰伏梁。加石菖蒲、厚

朴、紅花、莪朮、脾之積。在胃脘。腹大如盤。名曰痞氣。加厚朴、

之積。在臍下。發於小腹。上衝心而痛。名曰奔豚。另用奔豚丸

主之。熱積加黃連、黃芩、寒積加肉桂、乾姜、附子、酒積加葛根、

痰積加半夏、水積加桑白皮、赤小豆、血積加桃仁、紅花、乾漆、

肉積加阿魏、山查、

奔豚丸



川棟子 煨去肉

茯苓

橘子 鹽酒炒各一兩五錢

肉桂 三錢

附子 炮

吳茱萸 湯泡七次各五錢

荔枝子 煨八錢

小茴香

木香 各七錢

熬砂糖為丸每服二錢淡鹽湯下若有熱者去附桂

理中湯 見中寒

疝氣

疝者少腹痛引辜丸也。經云任脈為病男子外結七疝女子帶下痕聚七疝者。一曰衝疝氣上衝心二便不通也。二曰狐疝臥



則入腹。立則出腹也。三曰癩疔。陰囊癰大如升如斗也。四曰厥疔。肝氣上逆也。五曰痕疔。腹有癢痞。痛而熱。時下白濁也。六曰癩疔。內裹膿血也。七日癩癰疔。內裹膿血。小便不通也。愚按。癩疔。卽衝疔。癩癰疔。卽癩疔。其各有七。其實五者而已。疔之根起于各臟。而歸併總在厥陰。以肝主筋。又主痛也。治疔之法。非一而分別。不外氣血氣則遊走不定。血則凝聚不散也。橘核丸加減主之。

橘核丸

通治七疔



橘核 二兩 鹽酒炒

小茴香

川棟子

煨去肉

桃仁

去皮尖及雙仁者炒

香附 醋炒

山查子

炒各一兩

廣木香

紅花

各五錢

以神曲三兩打糊為丸每服三錢。衝疝用白茯苓一錢松

子仁三錢煎湯送下。狐疝用當歸二錢牛膝一錢五分煎

酒送下。癩疝用白茯苓陳皮赤茯苓各一錢煎湯送下。

厥疝治同衝疝。瘕疝用丹參白茯苓各一錢五分煎湯送

下。瘰疝本方內加五靈脂一兩醋炒赤芍一兩五錢酒炒

服時用牛膝一錢五分當歸尾三錢煎酒送下。瘰癧疝治



法同上。此症若寒氣深重本方內加吳茱萸肉桂心各五錢甚則加附子一枚。若表寒束其內熱腹痛熱辣或流白濁者本方內加黑山梔五錢川萆薢一兩吳茱萸三錢湯泡七次吳萸散表寒山梔清內熱二者并行丹溪心法也。

小腸氣者臍下轉痛失氣則快。

膀胱氣者臍熱痛瀉于小便即胞瘕也。

痙者狀如弓弦筋病也。

癖者隱伏于內疼痛着骨也。



癥者有塊可癥血病也。

瘕者假也。忽聚忽散。氣病也。

以上諸症。雖作痛。不引。舉丸。故不以疝名之。然而治法。可以彷彿前九。加減。或輕。或重。因時制宜也。

痰飲

凡病。未有不發熱。不生痰者。是痰與熱。乃雜病兼見之症。似無容專立法門矣。然亦有雜病輕。而痰飲重。則帶以痰飲為主治。書有五痰之名。以五臟分主之也。五飲之名。隨症見也。其實猶



未確高。大抵痰以燥濕為分。飲以表裏為別。濕痰滑而易出。多生於脾。脾實則消之。二陳湯。甚則滾痰丸。脾虛則補之。六君子湯。兼寒兼熱。隨症加藥。燥痰瀆而難出。多生於肺。肺燥則潤之。貝母瓜蒌散。肺受火刑。不能下降。以致真水上泛。則滋其陰。六味丸。飲有在表者。乾嘔發熱而咳。面目四肢浮腫。香薷五皮散。飲有在裏者。或停心下。或伏兩腋。咳則相引而痛。或走腸間。輒有聲。用小半夏茯苓湯。隨其部位而分治之。此治痰飲之大法也。書云。治痰須理脾。以痰屬濕。脾土旺則能化。耳冷痰



如此飲亦宜然。然脾經痰飲。當健脾以祛其濕。若腎虛水泛。為痰為飲者。必滋其腎。腎水不足。則用六味。若命門真火衰微。痰上泛者。則用八味。腎氣丸補火生土。開胃家之關。導泉水下流。而痰飲自消矣。

二陳湯

半夏

茯苓

陳皮

去白各一錢

甘草

炙五分

生薑二片、大棗二枚、煎服。加入參、白朮各一錢、名六君子湯。

痰痰丸 治實熱老痰變生怪症

大黃 蒸片 刻

黃芩 炒各 四

青礞石 硝煨 金色

沉香 細剉各 三錢

辰砂 細研水 飛二錢

冰盪為丸辰砂為衣每服一二錢開水下此藥但取痰積並

不利腸大瀉為老痰要藥

貝母瓜蒌散

貝母 一錢 五分

瓜蒌 一錢

花粉

茯苓

橘紅

桔梗 各八分



水煎服

香薷散

見太陽症

五皮飲

見水瘧

小半夏加茯苓湯

見傷寒咳嗽

六味丸

十味腎氣丸

即八味丸加車前牛膝並見類中門

嘔吐噦

呃逆

嘔者聲與物俱出。吐者有物無聲。噦者有聲無物。世俗謂之乾嘔。東垣以此三者皆因脾胃虛弱。或寒氣所客。或飲食所傷。以致氣逆而食不得下也。香砂二陳湯主之。然嘔吐多有屬火者。



南京中醫藥大學圖書館藏

經云食不得入是有火也。食入反出是有寒也。若拒格飲食。嘔
滴不入者。必用薑水炒黃連以開之。累用累效。至于食入反出
固為有寒。若大便閉結。須加血藥以潤之。潤之不去。宜蜜煎導
而通之。蓋下竅開上竅即入也。其有因脾胃虛弱而吐者。補中
為主。理中湯。其有因痞積滯礙而吐者。消積為主。和中丸。若命
門火衰不能生土者。補火為主。八味丸。復有呃逆之症。氣自臍
下直衝上。多因痰飲所致。或氣鬱所發。扁鵲丁香散。主之。若火
氣上衝。橘皮竹茹湯。主之。至於大病中見呃逆者。是謂土敗木



賊爲胃絕多難治也。

二陳湯

見痰飲

通治嘔吐噦隨症加減

前症若脾胃虛弱加人參白朮若寒氣所侵加薑桂甚加附子若飲食所傷加山查麥芽神曲香附砂仁藿香若飲食冲口而出不得入者是爲有火加黃連山梔若大便結燥加當歸黃芩知母若有積滯宜兼服和中丸

理中湯

見中寒

和中丸

見蟲脹

八味丸

見類中

扁鵲丁香散

見傷寒呃逆



橘皮竹茹湯

陳皮

去白
二錢

竹茹

一團

半夏

八參

甘草

各一錢

水煎服

三消

經云渴而多飲為上消。消穀善肌為中消。口渴。小水如膏者為下消。三消之症皆燥熱結聚也。大法治上消者宜潤其肺兼清其胃。二冬湯。主之。治中消者宜清其胃兼滋其腎。生地八物湯。主之。治下消者宜滋其腎兼補其肺。地黃湯。生脈散。並主之。夫



上消清胃者使胃火不得傷肺也。中消滋腎者使相火不得攻胃也。下消清肺者滋上源以生水也。三消之治不必專執本經而滋其化源則病易痊矣。書又云飲一溲一或飲一溲二病勢危急仲景用八味丸主之。所以安固腎氣也。而河澗則用黃耆湯和平之劑大抵肺腎虛而不寒者宜用此法。又按仲景少陰篇云腎經虛必頻飲熱湯以自救乃同氣相求之理。今腎經虛寒則引水自灌虛寒不能約制故小便頻數似此不必與消症同論宜用理中湯加益智仁主之。然予嘗見傷暑發喘之症小

便極多。不啻飲一而洩二者。用六味加知柏而效。可見此症又
由腎經陰虛而得。治宜通變正當。臨症制宜。未可一途而取也。

二冬湯 治上消

天冬 二錢
去心

麥冬 三錢
去心

花粉 一錢

黃芩 一錢

知母 一錢

甘草 五分

人參 五分

荷葉 一錢 水煎服

生地八物湯 治中消

生地 三錢

山藥 一錢
五分

知母 一錢
五分

麥冬 一錢
五分



黃芩

錢

黃連

錢

黃柏

錢

丹皮

五分

荷葉二錢水煎服

六味地黃湯

見類中

生脈散

麥冬

二錢

人參

一錢

北五味

十五粒

水煎服

八味丸

即六味加桂附

黃耆湯

治肺腎兩虛飲少洩多



黃耆 三錢

五味子 一錢

人參

麥冬

枸杞子

大熟地 各一錢
五分

水煎服

理中湯 見中寒

熱淋

淋者小便頻數。不得流通。溺已而痛是也。大抵由膀胱經濕熱所致。然淋有六種。一曰石淋。下如砂石。有似湯瓶久在火中底結白碱也。益元散加琥珀末主之。二曰膏淋。滴下濁液如脂膏。



也草薺飲主之三曰氣淋。氣滯不通。水道阻塞。臍下妨悶。脹痛。是也。假蘊散主之。四曰血淋。瘀血停蓄。莖中割痛。難忍。是也。生地四物湯加紅花。桃仁。花。薤。石。主之。或兼服代抵當丸。五日勞淋。勞力辛苦而發。此爲氣虛。以至氣化不及。州都補中益氣湯主之。六曰冷淋。寒氣堅閉。水道不行。其症四肢厥冷。口鼻氣冷。喜飲熱湯。是也。金匱腎氣湯主之。更有過服金石熱藥。敗精流注。轉而爲淋者。又老人陰已痿。而思色以降其精。則精不出。而內。致大小便牽痛如淋。愈痛則愈便。愈便則愈痛。宜用前



草薺飲去黃柏加兔絲遠志導去其精然後用六味地黃湯補之方為有益淋症多端未可執一而論也

益元散

見類中

草薺飲

治膏淋並治諸淋

草薺

三錢

文蛤粉

研細

石華

茯苓

五分

燈心

二十

蓮子心

黃柏

各八分

葶藶散

治氣淋

車前子

石菖蒲



荆芥

陳皮

香附

麥芽

瞿麥

木通

赤茯苓

各等分爲末每服三錢開水下

生地四物湯

卽四物湯以生地易熟地方見虛勞

代抵當丸

生地

當歸

赤芍

各一兩

川芎

五靈脂

各七錢五分

大黃

一兩五錢酒蒸

砂糖爲丸每服三錢開水下



補中益氣湯

見類中

金匱腎氣湯

見水瀉

小便不通

關格

孕婦轉胎

小便不通。謂之癃閉。癃閉與淋症不同。淋則便數而莖痛癃閉則小便點滴而難通。東垣云。渴而小便不利者。熱在上焦。氣分也。宜用四苓散加山梔黃芩等藥以分利之。若大便亦閉加大黃元明粉之類。不渴而小便不利者。熱在下焦血分也。宜用滋陰化氣之法。若滋腎丸之類是已。大法無陽則陰無以生。無陰則陽無以化。下元真陰不足。則陽氣不化。必滋其陰。若下元真



陽不足則陰氣不生。必補其陽。譬如水腫鼓脹。小便不通者。服金匱腎氣丸。而小便自行。陰得陽以生也。復有除桂附服之而亦效者。陽得陰而化也。此陰陽氣化之精義也。更有小便不通因而吐食者。名曰關格。經云。關則不得小便。格則吐逆。關格者。不得盡其命矣。宜用假蘇散治之。又丹溪治孕婦轉脬小便不通者。用補中益氣湯。隨服而探吐之。往往有效。譬如滴水之器。上竅閉則下竅不通。必上竅開然後下竅之水出焉。丹溪初試此法。以爲偶中。後來屢用屢驗。遂特爲救急良法。每見今人治



轉脬症投補中益氣而不為探吐且曰古法不效有是理乎
 嘗用茯苓升麻湯治此有驗蓋用升麻以舉其胎氣用茯苓以
 利小便用歸芎以活其胎用苧根理胞絲之繚亂此以升劑為
 通之法也附錄於此以俟明哲

四苓散

即五苓散去桂枝
方見太陽府病

滋腎丸

黃柏

炒 獨色

知母

蒸各二兩

肉桂

去皮一錢

蜜丸

如梧桐子大每服七八十九開水下



扶元升麻湯

伏苓 赤白各 升麻 一錢
五錢 五分 當歸 二錢

川芎 一錢 苧根 三錢

急流小煎服。或調琥珀末二錢服更佳。

大便不通 大小腸交 遺尿 脫肛

經曰北方黑色。入通于腎。開竅於二陰。是知腎主二便。腎經



液乾枯。則大便閉結矣。然有實閉。虛閉。熱閉。冷閉之不同。如陽
明胃實。燥渴譫語。不大便者。實閉也。小承氣湯下之。若老婦人
精血不足。新產婦人氣血乾枯。以致腸胃不潤。此虛閉也。四物
湯加松子仁。柏子仁。肉苳蓉。枸杞。人乳之類。以潤之。或以蜜煎
導而通之。若氣血兩虛。則用八珍湯。熱閉者。口燥唇焦。舌胎黃。
小便赤。喜冷惡熱。此名陽結。宜用清藥及攻下之法。三黃枳朮
丸。至之冷閉者。唇淡口和。舌胎白。小便清。喜熱惡寒。此名陰結。
宜用溫藥而兼潤燥之法。理中湯加歸芍。至之。凡虛人不大便。



未可勉強通之。大便雖閉腹無所苦。但與潤劑積久自行。不比傷寒邪熱消燥津液。有不容刻緩之勢也。予嘗治老人虛閉數至。圍而不能便者。用四物湯及滋潤藥加升麻。屢試屢驗。此亦救急之良法也。

大小腸交陰陽拂逆也。大便前出小便後出。名曰交腸。五苓散主之。復有老人陰血乾枯。大腸結燥。便溺俱自前出。此非交腸。乃血液枯涸之徵。氣血衰敗之候也。多服大劑八珍湯。或可稍延歲月耳。

遺尿有二症。一因脾胃虛弱。倉廩不固。腸滑而遺者。一因火性
 急速。逼迫而遺者。宜分別治之。脾虛理中湯。火盛芩藥甘草湯。
 加黃連。

脫肛亦有二症。一因氣虛下陷而脫者。補中益氣湯。一因腸胃
 有火。腫脹下脫者。四物加升麻黃芩荷葉之屬。

小承氣湯 見傷寒少陰經症

四物湯 見虛勞

蜜前導法 見傷寒

八珍湯 見虛勞

三黃枳朮丸 見腹痛

理中湯 見傷寒中寒門



五苓散

見太陽腑病

芍藥甘草湯

見腹痛

補中益氣湯

見類中

小便不禁

經云膀胱不利為癰。不約為遺溺。所以不約者其因有三。一曰肝熱。肝氣熱則陰挺。失職。書云肝主疎泄是已。加味逍遙散主之二曰氣虛。中氣虛則不能統攝。以致遺溺。十補湯主之。大抵老幼多見此症。悉屬脬氣不固。老人挾寒者多。嬰兒挾熱者眾。挾寒者用本方。挾熱者六味地黃丸。三曰腎敗。狂言反目。洩便。



新加坡中醫藥大學圖書館版權

白遺者此腎絕也傷寒日久見之多難救中症見之隨用大劑
附子理中湯頻灌間有得生者蓋暴脫者可以暴復若病勢日
深則不可為也然中症亦有陰虛而遺溺者不宜偏用熱藥治
者詳之

加味逍遙散 見類中

十全大補湯 見虛勞

六味地黃丸 見虛勞

附子理中湯 見中寒

便血

便血症有腸風有臟毒有熱有寒病人臟腑有熱風邪乘之則



下鮮血。此名腸風。清魂散主之。若腸胃不清。下如魚腸。或如豆汁。此名臟毒。芍藥湯主之。凡下血症。脈數有力。唇焦口燥。喜冷畏熱。是爲有火。宜用前方加黃芩、丹皮、生地之屬。若脈細無力。唇淡口和。喜熱畏寒。或四肢厥冷。是爲有寒。宜用溫藥止之。理中加歸芍主之。若便久不止。氣血大虛。宜用歸脾十全。葷統血歸經。血本屬陰。生於陽氣。治者宜滋其化源。

清魂散

荆芥 三錢

當歸 五錢



水煎服

芍藥湯

見腹痛

理中湯

見中寒

歸脾湯

尿血

十全大補湯

俱見虛勞

心主血。心氣熱。則遺熱於膀胱。陰血妄行而溺出焉。又肝主疏泄。肝火盛。亦令尿血。清心。阿膠散主之。平肝。加味道遙散主之。若久病。氣血俱虛。而見此症。八珍湯主之。凡治尿血。不可輕用正瀉藥。恐積瘀於陰。莖痛楚難當也。



阿膠散

阿膠 水化開冲服一錢

丹參

生地 各二錢

黑山梔

丹皮

血餘 即亂髮燒灰存性

麥冬

當歸 各八分

水煎服

加味逍遙散

見類中

八珍湯

見虛勞

醫學心悟第三卷終



北京中醫藥大學圖書館版權所有